

PL
2765
.I22
v.3



YORK UNIVERSITY

JUL 03 2001

EAST ASIAN STUDIES

忍古樓詩卷九

題吳綱齋學士九鐘精舍圖

以下辛酉

新建夏敬觀

魯邈鐘九得於曲阜西南十里文曰魯邈作飴

鐘其萬年子子孫孫永保用享

升堂見法物吐辭若經神其人比斯器並是曠代珍編

鐘簠十六九器君几陳用稽鄭君說樂學猶傳新憲齋

釋郢鐘八肆訝不倫曰大曰玉鑑我疑十二辰零鐘天

子樂列邦僭鑄頻

按今仲號叔旅惠叔楚公諸鐘文皆曰大鑒叔氏曰寶楚疑皆十二辰零

鐘郢鐘文曰大鐘又曰玉鑑吳憲齋釋玉爲特懸合二

磬玉磬天子之器豈郢所得用其爲僭無疑

忍古樓詩

卷九

中華書局聚

簾稱肆與編均

左氏傳疏引劉炫云傳言歌鐘二肆及其鐘磬則鐘磬亦二肆肆之爲名實由

一鐘磬相對按此特懸磬制惜不詳吾說無由申

窓齋疑

肆四堵之文予證以劉炫說則八肆爲八鐘八磬四堵者明磬未備也即鐘八肆四堵恰十二鐘惜磬制古不

詳無以證零鐘必與磬對耳

今觀君所獲信是編懸真摩挲體與帶

丹翠逾玉珉氈蠟拓裝背考訂彌勤辛畫圖開禮堂龢
音想綏賓

題陳蘭洲先生遺畫

先生釣遊地隨處有好梅始春方作花排日恣賞來寺
寺觀題詠俊語如瓊瑰凡今所賞花曾爲先生開煙霞
百餘本十幹九著苔我聞父老言半是先生栽流風照

吾黨恨未相追陪
今觀尺幅畫作屋
湖山隈投効亦何
早快舉林中杯
慚予下廨人游蜂
逐飛埃

林貽書林涼生林衆難同游
皋亭山衆難途次先
歸明日有詩因和韻奉答

漫道盤中苜蓿無
猶能攜榼踏春蕪
李花先試山前暖
菜色全回臘後枯
入寺始驚松栝盛
渡溪還見柳蘋鋪
知君術解三爻足
得半風光取次摹

衆難精星
命故云

周夢坡婦六十生日於西溪秋雪庵作放生會賦
此壽之

已閱人間六十霜
玉葭門外夜蒼蒼
無風不動曹溪水

有月同過法喜堂且復敷牀借花絮故應尋葉作陰涼
遙知孟簡觀漁意見捨筵資設道場

贈余伯陶

書比傅青主詩如薛一瓢談言每微中神理自相超火
棗胸間樹黃精脚下苗都來入烹釀還與會生朝

哭承英

生存讀吾書督責未稍寬督責果何益齋之入重泉憶
兒初舉日一家生喜歡彈指十八載一家摧心肝吾衰
念早穫汝長當居先奈何天奪汝不使與我玄病牀臥
四旬了兒惟一棺有藥不起死入腹刀劍殘思兒將死

言令我永悲酸白髮持反喪爲兒素衣冠父子斯已矣
撫几一長嘆

汝母久泉下見兒定驚喜汝父久世間淚如長川水悲
喜有不同其境判人鬼無路通往還兒往便當止夢見
雖是僞慰情聊有此我思夢見兒不眠奈何爾墮地至
今日吾全復吾毀此變誠不料惟可諉數理

游吳興道場山

小舟入境如浮鳧青嶂倒波纖垢無貫穿東城出西郭
水精空內繫誰刳過橋迴顧萬鱗瓦桑梯稻鍾盈路隔
山重溪複不知數問名一一圖經符弁峯最高不及到

我舟南向循陂湖峴山漾送衆溪水清風時響新荷蒲
步上道場坐半日更登絕頂須人扶一窗遠視殊齷齪
况我哭子淚正枯豁茲蒙蔽一縱目大哀心死於焉蘇
參差數塔笋怒迸浮山連屬無根株洞庭當門白如鏡
兩雷以外煙模糊寺門緩下岡脊坦灌木陰陰山鳥呼

陸氏潛園

潛園廣庭中三石儼相向舊是松雪物魁碩神自王側
挺二老藤纏縛出頭上想見作花時覆之如錦帳長廊
周小山林桂森肺腑頗似滄浪亭作者心有匠南樓對
道場下臨平且曠水木見清華午氣眊蕩蕩主人富藏

書海內未多讓移去蓬萊山縹緲疑可望

贈何詩孫

道州家比王太常孫如麓臺名藉藉少年出手驚父老
人謂蒼天是門客祖孫大年復似之老作尺紙連城壁
平生取與嚴一介疇昔同官見風格畫成將去換米鹽
全家久住五湖宅天荆地棘一畫隱硯田苔穎西山石
春杯氣暖時接座骨力中強千丈柏

嘉興烟雨樓

湖菱雨後作花肥籐木交陰白鷺飛密葉中間樓角迴
環廊四面水光微尋常來去當東道今日登臨見夕暉

未是久留羅隱地一春澤國惜芳菲

渡江抵紹興作

岸足潮來沒鰐行中流始及片帆輕水風並送人牛過
林岫遙連郡邑清向午看追江驛馬有時還度稻田鶯
迎人鐘鼓知何寺不覺維舟在市城

謁大禹陵

黃河不可治江湖日遷變洪猛似堯前禹功誰復見山
陵未崩顏春樹擁寢殿陟陞驚巍我萬古此南面生民
久稼穡哀哉到饑渰漫欲依吾宗買犁事耕佃

犬亭山挈左南生胡栗長同游

犬亭狀至怪怒石撐掌拳雨滑不可上蹲鴟側而顛山
間通溪河其北藏洞天入橋若鑿柄勢將破兩舷旣進
理無却臨此不測淵語聲鏗水石崖溜復涓涓造境雖
曰奇毋乃傷天全人心失平夷百思我茫然何代恣斧
斤至今猶倒懸勾踐決一戰教養歷十年寧數犬馬功
始克摧敵堅越絕縱有說我疑無當焉今人呼吼山此
義宜可詮巍巍宋攢陵衆山相拱環茲山獨背向反側
真難安或當類桀犬狺狺吾堯前

箬蕢山陶氏園亭

城中朱門疊石鑿池工作僞曷若陶氏園包藏箬蕢山

在戶庭內清潭廣闊不見底峯謫石詭狀如縮小之嵩
岱譬人胸腹有肝肺其中欽崎磊落何足怪人言境由
匠石伐已憾剗削損真態歲久不知何年代苔蘚斑斑
石生黛斧劈皴面殊自然矯揉造作豈能逮長松挺其
巔天漿海髓日灌漑雜花明洲渚虹雨梅風了無礙舟
隨龜魚游洞峽路阻猿狙絕春碓偶拾鳥卵從壁間忽
挂蜂房落崖背主人邱壑固自佳所置亭臺皆可繪或
云昔是鑑湖東亟復此名毋使廢我思覓得方千島其
奈桑田終莫貸

蘭亭

我來蘭上里欲見永和春日出嶺雲斂雨過溪水新士
交延謝聘朋會續吳均後約登天柱行歌樵採親

柯山七星巖

拄石嵌佛閣垂巖覆經堂潭影耀星宿竹氣含宮商自
古役丁甲成功要非常兩寺逢一僧勝境誰主張頗慮
拋壻戲真負壑舟亡

山陰道中

水入鏡湖青舟移山換形隨流分疊嶂倚枕向重屏鳥
路頻起伏樵風時窈冥閑將讀書眼飽看到柯亭

胡梓方挽詞

文窮如骨相入手伐皮毛豈是從軍粲還爲走筆皋居
仍甘寂寞死未欠分毫頓悟由言下先捐覆被勞

雨中登北高峯

山雨作勢來忽如日將晏波瀾翻木葉光景明水濶決
意陟北峯險滑不足患天容屢開闔雨止已少閒食罷
越岡嶺昇升教放慢不知歷幾盤面臨皆絕棧秋鷹入
空蒼眼疾下一盼江湖勺水多未當語斥鷃我時有所
悟大地且爲幻日繙十二經毋乃言太謾

葛嶺初陽臺

此臺能見日東生冥想經天入地行苔磴曉光旋左海

石闌山氣墜長庚文心要與丹俱轉華髮誰如木再榮
畢竟稚川仍老蛻浪傳人世祇浮名

郊外觀電

虹霞西頽暗沈沈夜走郊外疑無林天頭掣電若秉燭
空中怪山浮海潄波濤破爛蒼崖岑下銜草木毛髮森
倏起倏滅往見侵雖覩幽隱口默瘖照徹稻隴牛蹄涔
燃犀病齒我不畏帝笑不語誠何心

登棋盤山

重重過林樾舉目煙嵐滿崇岡攬羣峯樓屋橫高巘足
力揣難到籐輿費牽挽何以定喘息中路得危坂三休

竟及巔聊縱山外眼
午日偏西南江光殊
偃蹇茲山果何似
平平磐石枕勝棋跡
已埽坐歎雲風晚

龍井

石亭依水坐湖鳥入
山深茶銼秋風冷苔
階却火尋野花閒着
色雜樹老爲林欲向
深公買無如寺後岑

游紫雲洞

夾路林陰石谷長
寺門從未見斜陽
懸樓溼霧生衣履
竅地冷風散殿堂
小坐已消山外熱
日居須是體中強
九幽墮虎真奇事
正訝天頭下曙光

金鼓洞

漫山是修竹竹間見樓觀自低達其巔一路青不斷入
門卽蔬圃負汲方漑灌殿後垂石巖籐蘿如髮散天光
下穴泉照徹未滿半淵淵河鼓聲豈此通銀漢草花猶
吐蜜人至遊蜂亂飲多釀不及覆甕且無算定知屋角
頭夜插北斗璨

壽胡晴初母六十

嘗聞兩家婦交口稱姑慈君母如我母愛婦如愛兒善
氣充門閭長幼咸嘻嘻吾曹半生樂皆自母德基秋來
桂作花君庭粲盈枝折取釀作酒跪地捧一卮母笑語
諸孫老味甘勝飴孝友傳家寶至性觀兒嬉

雨中病足

山霾日近市邊樓臥見江光上樹頭一雨經旬閒兩脚
假饒無病亦駢疣

李勇毅公夫人挽詞

咸豐至今日中見太平年福壽誠非薄瘡痍又滿前洪
楊誰掃跡羅李實回天不瞑夫人目銜哀告九泉
錄廢沿州郡先滁與後溫循風孫繼子膏雨葉流根守
儉民不變居閒養自尊忽悲慈竹折不屈在邱園
從我論才性孫曾亦過人平時述言行舉座歎慈仁誥
命先朝舊銘旌隧道新郁伊交涕處何止是親賓

中秋讌集次韻答伯巖

病足逾一旬強起禮多闕荒齋無廣座傳觴容十客秋
霖逐殘暑豁晴得茲夕陳翁秣陵來胸次吐明月循階
分哦詩庭燭任滅沒翁名如少年歲月邱山積至言勝
茗味醺醺久存膈太清掃滓穢爲翁增皎白

陪伯巖滿覺壠看桂

南山多梅亦多桂梅品雖俊難桂加秋來馨香徧山谷
眼鼻享受彌窮奢黃金堆案不足羨此色到眼翻歎嗟
尤奇二樹明火齊珍物落在常人家壠中婦孺作生計
守此收穫同桑麻長竿敲取盛布被樹頭明日皆空花

賣入市間擲錫餅和以飴蜜膠齒牙往歲來看輒稍後
翁今臨賞時未差大年小年無比例欲喻其數恆河沙
相攜一徑抵耕竹秋風颯颯游蜂譁桂香自伐寧莫惜
我悲於世遭鎔鈺

宿臨安慈勝禪寺

輿中浪浪聽山雨迎眼羣峯迷復睹竹深崖轉見長橋
月黑溪昏惜三五籠鐙照路到郭寺飽飯分床息游侶
錢王冢木夕蕭森殿背雄岡如踞虎鼯麝落枕一夜足
雷動鐘魚醒詩腑起看山色在樓窗唄唱尚先林鳥語
午晴發臨安城暮抵龍泉庵

環天吐蒼翠曉浴午還暄光氣穿林脚聲聞下壑源路
迴巖鳥暝月上草蟲喧不覺投煙麓中峯俛酒尊

雨中登天目峯

入谷經行磴幾盤滃然雲氣出蒼山水聲暗接銀河上
松色微存石骨間陡賸一亭懸斷壁從知此路到仙關
根株定不相連屬繞盡羣峯未易攀

雨宿昭明寺示徐浩齋使君

飛輿攀空天上來九鎖路窮窺未破不覺陸行到滄海
陵谷茫茫惴遷播近前稍見松栝容山澤雖癯神物化
天閭下視定了了掛壁驚人珠玉墮茲山穆若端冕旒

旁有羣真相輔佐雲居將叩白石生至藥勿餌果何那
僧堂聽雨經一宿階下微聞腰石磨吟聲動屋亦可喜
殘柿倘能分半箇山門咫尺尚霏霧瓊屑裹衣塵莫宛
走看巖亭石梁底宿漲彌添玉虬唾宰官自是靈運身
得邑如斯治堪臥寫詩漫欲鐫石壁我愧枯腸強酬和
齋魚午動竹廚香獅座能容方丈大

雨止寺東晚眺

雨中登茲山堅坐意已決天日誠下鑒雨意終告絕晚
來寺東覽銀海光一瞥衆壑爭晦明談次幾起滅朗然
在巍峯毛髮俯可別

觀瀑亭

終日淚洗面奈何目不盲世間洗目人持此回精光我
登碎玉坡身入蛟龍堂問龍龍不答仰看白茫茫

分經臺

築臺摩蒼穹蒲團壓雲白灰盡萬年松寒存一片石孤
僧夜唄誦割與昭明席借問聽者誰門前惟虎跡

獅子峯

秋霜昆吾刀削骨還繡春錯落項下纓文獅猛而馴霧
隱亦已久瞥然見全身昂昂仙人峯跨座來吾親

千佛閣

雨暗長明燈雲養旃檀火金身滿棟壁方廣無不可靈
山法會中甚處堪置我還當語頭陀真佛內裏坐

出昭明寺途中書所見

峯巔已微晴巖腹猶暝晦穿隙望塵寰人天儼分界須
臾落雲底尚撫飛鳥背黃疇夾坡陀飄飄雙衣帶線溪
作銀色茗源此初漑我從前夕來輿側雨澎湃前行皆
冒絮目短咫尺外瀑龍今露尾修壑俯尋在泱泱澤吾
民違時神所懟撥昏見朝日要令掃魑魅寧止看山人
恣遊得一快

宿禪源寺夜雨達旦不及登西峰歸途感賦

羣山跨縣清且雄氣挾天龍下翔舞西峯稍次當右目
日月相輝雙火炬我從東寺落西寺竟日崎嶇忘所苦
山村流水映丹楓游隊忽隨蜂負弩晚抵禪源作麼念
急問樹王在何所寺門萬木豈非材神物戀胸餘不數
僧言去地十里強舊殿已頽無片宇蓮花倒掛須猱升
天路躋攀限榛莽商量明日衣短後辨色同登勇當鼓
禪堂飯罷有微月聲起林間俄作雨仙峯未了膚寸雲
一夜翻階心爲腐愧牽世網不自脫濟勝要晴難久佇
還途怏怏一回向千百僧房低坐釜道場絕頂誰對峙
分與昭明判奴主緬昔誌公飛錫來報身三昧脫囹圄

齊梁彈指何足道歷劫金剛還出戶維摩法集立三諦
慧業生天傷動股經臺分貝雖浪傳靈蹟猶能感豺虎
哀今陸沉到陵谷下視神州無淨土別山何語告山靈
九天願下韋馱杵

別臨安賦謝徐使君

縣城天目下近接洞霄宮地迥宜清士客來敦古風流
觴千壑水製錦九秋楓情懷如山好扁舟復與東

爲馬夷初題其外祖鄒蓉閣先生遺墨

文字如道鄉尺紙皆可寶叢殘付裝背猶得見鱗爪承
平蠻舍間拾薪堪送老投贈有珠玉搜集尚完好邇來

二十年此事跡已埽淵源外家學子獨勤研討文會時
見招喜共融尊倒

題馬夷初所藏李抱真殘硯陳白沙銘屈翁山記

尚完好能讀

抱真名孔修順德人

西樵片硯破猶完賴繼翁山與抱殘欲讀白沙銘背語
試來石屋案頭看堅牢稍幸椎能拍圭角何曾內可刊
一坐閉門穿木榻夜深應夢古衣冠

爲吳子修題兩圖

蒼松鬱鬱山澤中階前尺地那得容辛勤手植自拱把
神理遠與宏景通交梨火棗放單出剪伐荆棘高人胸

哦詩空堂起風雨對此結思如秋嵩畫師不畫支離叟
下筆便寫之而龍會見孫枝大若此喬木未要凡材充

右補松廬圖

青山歲寒如老人早梅作暄周一身手持瘦筇指苔谷
泉石都與氣味親胸次常人道不得入林雙眼纔覺春
寺前舊有紫芝跡翁今更結香火因此幅畫山卽畫翁
畫手妙筆意絕倫千巖萬壑在短紙酒酣興到爲寫真

右靈峯探梅圖

林亮生示無題詩四章賸以本事輒書二十韻報

之

示我數篇詩詩中苦道誰爲言一春事都作畔愁辭門
外更初定街頭雨正霽賓寮雖設醴深巷每酤醺負矢
疇前導當壚有密窺何心從武負於彼獲先施杏莢歆
牆出楊花滿店吹攀條香氣息鎖葉玉歲蕤郎馬從教
縶儂蠶敢謂飢薪揜憐玉腕燭映愛長眉穿線針遑急
量珠佩欲貽鳩媒云不可龜卜告無期見說卷施苦仍
銜石闕悲夢沈回鏡鑑愁極瘦瓊枝念昔翹關選憐今
執戟疲壯懷銷懶祭國器棄鴟夷醇婦寧堪老戈矛用
汝爲讀君柳枝序比以杜秋詞身世忽回憶功名匪我
思春遊何所託書此報微之

贈李子申

十年五六月每面不加老度日憂患中何物養生寶仁
殘分舜跖理欲判彭天身名倘交脆面目何取好我見
李子顏殃札未能擾生事若焦苗負畚孰除蓀牛毛駭
羣盜駢跡亂京鎬旋踵幾顛覆天醜倦擒討吾曹患有
身臥間攻蝨蚤豈能榮其膚惟恃養吾浩逢年抱一硯
力耕幸溫飽平生松與石常用入畫稿二物氣自堅寫
之況吾道

夢承英

汝魂何所適夢見已殘秋未了人間病真成地下囚一

棺局淚木百藥殺身仇老眼如瞶井看書索罷休

嚴幾道挽詞

念昔窺藏室南榮且裹糧罪言初發篋滄海忽生桑抉
目臨殘霸埋憂到北邙華胥十年夢寧有寢虛牀

冷落元亭酒輜軒絕代人過廬重下涕對卷一傷神共

照盤中日誰傳火盡薪講堂題字在桃李黯吹春

余與幾道

先後主
復旦講

湖上晚春 以下壬戌

一風花在地枝上已無餘啼鴉不堪聽行蜂都與疏出
游非好計載恨滿回車

飄風

飄風無序雜花墮
茵園桑葉老憂蠶
抽綸茗發穎豎蓬
然感春我居蒿中
何芘一身良禽擇
木集於荆榛大道
蕪沒無德可隣

飄風東來平陸爲
墟呼嘯下澤炎草
焚如彼鳥之智不
若爰居旣覆汝巢
豈愛我廬仲尼治
魯聞人伏誅無已
而辯傷哉子輿

餘杭道中

餘杭上天目
瓴建一溪通
城樹連村暗
陌花偎路紅
奔渟浮竹栺
聚散互雲風
日暮籐輿穩
羣峯入睡中

登天目開山殿觀樹王

去年到西峯一宿禪源寺但道林木奇衆美且掩蔽春
來溪谷寬山花石間媚水亭轉黃鳥蒼鼠韶晴翠寺後
雜竹樹深壑蓄大氣奔泉如雪輪陽苔溽陰砌老杉千
萬株雲霧纏其際中餘飛鳥路十里始容憩連柯古殿
背絕皆猶未旣持衡量衆材解帶與遊戲更履樹王堦
肅如就朝位圍觀凡七人合抱餘半臂我聞老僧言神
物難強致昔者求殿梁所伐殆又次鋸解不僵仆一夕
飛墮地千寮居釜底瓦全誠幸事至今一大衆追思尚
心悸平陸慨成江溝斷難爲器濟川雖要才橋舌疇敢

議我歌從僧樵腰脚告疲悴豈有禪旁枝一試斧斤利
下臨彌不測十步九防躓藍蹕返古初書以示後至

獅子口高峯禪師塔

誰能分得高峯骨死後惟將獅吻撐齧齒不如張口得
許多佛子嘴邊行

藥師殿

藥師脚下撥寒灰豈有餘薪續火回一擊下彭能絕盡
當緣護法賊中來

荆溪

一水穿城二沈間冲融裊窕浸南山郭熙畫稿誰能學

放棹荆溪舐筆還

東沈

布帆東沈白个个飽西風山色依舷靜天光入鏡融遠
村藏繭市淺水冒蝦籠穩坐如輦背陂南屐路通

觀國山碑

我從舟中望國山此碑已在豐草間臨碑一讀勝旣拓
米廩八出觚而圓山側纍纍盡枯骨山前石脊何人伐
夕陽明處數溪毛深谷牛羊時出沒孫郎自信九州都
此石不謂司馬如就中紀瑞瑣且妄投筆晚與何舅書
建書奇恣如皇象了頭已沒茲無恙訪碑寰宇及江南

樂石所存誰得抗明誠彥衛錄已古槎客攷繼盧公武
改元冊璽非二年陳志無須引碑補觀碑旣竟太息存
可憐腸出繞吳門南人作帝寥可數青蓋入洛寧非昏

龍池山

微陽啟山鑰陣雨響林局鳥語谷中曉龍居松上冥隔
年霜葉滑入夏石苔青更覺鑪煙潤來薰佛閣經

善卷洞

善卷疊二洞望之儼石樓跨山聳奇構未知何斧修樓
洞高且大廣容千展留外觀洞中人眇小身獼猴承塵
挂鐘乳四壁懸癭瘤閒以蒼白色滑潤勝漆髹秉炬照

玉柱更上須三休仙人未辟穀米鹽堆兩頭終古不增
減生事奚外求水洞宏且深滾滾納伏流豁然石扉闢
欲往悵無舟後洞隔里許山木鳴颺颺入穴復出穴善
泐誰敢泐平生歷洞府能出意想不得之不終住竊爲
龍所羞善卷堯時人其名亦悠悠去堯且若晚何況牙
與周

張公洞

張公果何人洞名果何取相傳謂天師吾意殊否否入
市鬻符籙瑣屑米五斗道成盍不去去已非若有雨中
張蓋來溼薪燒洞口側身入壺盧危磴才八九一石數

尺強欲下衣牽肘揚火燭四壁煙燄徹深黝穹空如大
甕甕底忽升阜蝠鼠勇先驅力疲吾却走我聞上有室
天日開戶牖何年盡摧壞五丁失其守有梁比鯽背傾
左帖耳右詎可恃杖扶足窮輔之手我讀長蘅記境奇
堪下酒何當後洞來亡命先游友

玉女潭

待詔丹青入記中樓臺巖壑半天工石梁飛雨千尋冷
山木森潭一鏡空洞口尚餘金液在閣前長得玉光融
任渠白髮星星出但索經霜面似楓

罨畫溪

罨畫溪中風雨船不知此景似何年種桃那比栽桑好
已過吳蠶第四眠

蜀山 東坡買田於此

桑麥青青地上腴佩牛應免筆耕痛我衰亦合求田舍
先辦文章頌木奴

杜牧之水榭

罪言得罪在談兵折却官階博得名水榭三間陽羨里
未容磨滅是風情

何詩孫挽詞

黔展同塵士淵騫在寢人其風敦薄俗惟古有斯民報

善纔中壽傭書已至貧微聞硯田熟存活徧親鄰
精魄埋何所平生筆冢間銘功書尾紙委氣畫中山神
品誰能似高情莫復攀酒杯寧起死一酌淚先潛

哭毛氏女

凶問初未真已料少生理暴兵肆荼毒失我弱女子僅
求歷五日浮屍石鐘底薄棺誰見收覩物知果是烈焰
燒奔鱗湯湯六十里回頭望江州鬼燐焦土圯當時定
見逼全軀甘墮水目覩無近親相隨惟一婢賊起殊倉
猝焚掠徧衢市婢言主初出從容結衣履解髻就突煙
變形先自毀相攜雜逃衆失散纔尺咫螻螳命尚完傷

哉主竟死行路泣婢言而况我於爾驚心念汝叔死所
正相邇魂夢繞漏舟疚痛曾未已去春喪汝弟經歲淚
初止哭汝又出睚眦自從今始自汝歸於毛微命薄如
紙早孀吾尤憐夫族矧無倚忍死存二孤我聞悲且喜
攜兒出賊中緩急當我恃輕生果何爲亡者重遷徙二
孤未解事謂母困行李一女方數齡若顏如汝美我老
誰可託相視虞短晷

題王可魯畏曙圖

語君不寐是真禪百歲消磨一半眠盍上城頭觀太白
更於鐙下耐青氈直應遲待松窗曉何事先安竹枕便

若爲此情生畏怖分明藥在衆生邊

爲李拔可題其先人雙辛夷樓填詞圖

閒來一念宦遊迹與君種花滿庭隙辛夷定過一丈強
吹落屋頭誰解惜萬事罷休非我料十年不蠟鍾山屐
一椽卜築滄海邊袖手閒吟寧自適我家新建君侯宮
各有先人好廬宅高花兩枝入君夢畫向樓簷綻紅白
我家軒前有嘉樹夜夜來親不歸客楹書一樣付孤兒
吟卷未殘珍手澤

沈子培輓詞

士以陳蕃比吾州最見親萬端收運會大義鑒人倫坐

命傷磨蝎書年歎獲麟可憐瘡痍地墮淚有遺民

餘論張詩派吾才愧夏倪淵源雙井水壇坫大江西晚
會如真率諸賢要品題斯文先霧散端恐學津迷

陳伯弢輓詞

誤汝百寮底文章數亦奇沈吟三段石惆悵五言詩

君在

張南皮座論詩以宗湘綺五言見薄爲端午不媚窮翻

橋題三段碑復况以泥磚本以是終不見用骨終潛皓駟眉獨憐書在篋圯上竟誰師

平生遭酒座相樂效侏儒每擲袁耽帽常青陸展鬚牢

愁聊自畔國器借誰酤感此覆杯歎斯人沒世無

邑有桃源洞桑麻詎可局終能愛毛羽亦分葬臊腥白

晝逢山鬼蒼天隕歲星貧如賈耘老何物付添丁

偕李拔可諸真長游集慶寺

人事誰能廢後興夢中深谷屢高陵荒碑仆地霜枯蘚
壞壁纏風日掛籐未了形神檀越帝可憐去住菜園僧
鶴天龍界原無礙此景蒼涼那得憎

與拔可真長同登北高峯俄頃風作甚厲遂循韜

光徑而下

與君峯頂試遊敖俯看江湖薄晚皋淨竹夾溪都斷響
長松盈壑不聞濤列眉無過羣山朗舉臂猶輸一雁高
卽境相驚談次改九關虎豹任吟嘯

除夕

一夕除一歲一生除一年如何百憂集未肯一毫蠲
蓄隨冬盡寒花換世妍合家圍蠟燭差慰異鄉便

行春橋觀桃花

以下癸亥

春陰極意壓花光還放雙峯見夕陽細雨數番清路陌
明霞一半出園牆不應倚樹嘲輕薄且賴無風看久長
流水用情須計較漂紅終未勝浮觴

偕石遺沅叔拔可夢日雨中游皋亭山諸君謂似
閩中鼓山松林閩方構兵石遺老矣不得安於
鄉土徘徊林下相與太息久之

礙眼桑枝纈漸生豆花依黯菜花明野橋正見鳩拖雨
泥陌誤隨蜂鬧晴攜榼久非鄉土味看松教動故山情
峯前更覓濤聲路似否君家一樣清

拔可報書云曹園桃花尚在夢寐期而不至至已
零落過半矣未爲盛也詩以戲之

曹園好堆阜藏在萬花間就裏翻紅浪其陰起碧山島
櫻嚴仗對谿李雜詩癡得半供吟賞勞君夢往還

偕達甫南生看行宮牡丹

客中恐負看花辰到眼翻思日下春幾輩朱門存貴色
十年江上老流人稍餘宮錦誰能壞惟有堦欄倍可親

待就醪醑謀近局更分杯露醑重茵

沈園牡丹

洛花未可壓南強培種雖勤土性妨豈是韶華輸婉婉
終緣人物欠豐穰在胸我泥丹和白入眼誰爲紫與黃
試上沈家亭子看富兒羅綺總尋常

龍毅父喪子以吾曾有是戚索詩爲唁承英歿已
三年吾斷念久矣以君書來復損懷抱遂不擇
言

漫於一座譽顏回墮地俱爲不壽才奈寄短書撩宿痛
互憐首子厄飛災長潛忽遺珠承映快論毋寧缶比胎

度外置之何等好覆巢病鶴枉堆豚

朱晦庵南芥詩不謂洛生吟輟餐時擁鼻卽楚人
所謂衝菜也真長南生各賦詩喜而和之

逾冬作春菜楚甕壓吳鹽中鰕薰非惡充腸意所欣吞
來在蒞蛭愧殺上竿鮎却弄鼻頭癢一瓢原不嫌

題沈乙庵遺墨

硯墨初乾墓草青人間已寶楮縑零病床起布廉苦體
精氣端如雀去瓶

題繆荃華焦山圖

側手誰能障橫流岳形巾器未容求丹青與著焦先宅

田葑青灰換十洲

爲黃鏡之題其先德樹齋先生仙崖采藥圖

白門成撫議抗疏坐休官不幸言微中其亡此見端士
皆籠貯藥詩賸紙剗肝采采仙崖去忠情託芷蘭

贈余堯衢

罷官名益高案牘播人口由能踐所學未委先不朽習
誦夙在茲今用娛白首便便萬卷腹功轉寒丹九凡庸
享大年憑恃天與厚學以壽身名儕輩幾人有婆娑歷
歲月矧得同志婦丹青倦知廬冀缺耕者耦

七夕作

東方語誕渺難稽微敗前身亦自迷惟覺素商妨地籟
似聞銀漢斷天梯溼花涼露娟娟白點水荒螢故故低
試起捲簾看夜色玉鈎已掛數峯西

八月三日登玉皇山

幻作天宮已可疑俯看江界路多歧懷山水勢成波磔
過浦雲陰儼仗旗直遣鎬壇陳鶴驥誰曾帝所射熊羆
我來一叩無言治夢想吞爻面伏羲

挽陳師曾

朋交存故筆寶之勝百琲手理出叢殘意將別生死念
君尚盛年那分便爲鬼孰料數紙書遽以裝卷尾平生

過槐堂對坐如飲醴餘技雖云多詎掩歌詩美刻印兼
作畫才性命腕指一落風氣中吳李富鹽米矯俗翻徇
俗有時戲相詆傷哉貧到骨將歸換甘旨隨身一硯田
闔棺竟無濟

癸亥九日游真際寺

歲酬佳節餘何事足履商量到手筇風與寺廚收落葉
山教村屋近高春坐窺石齒銜吳海俯聽江聲出越峯
便擬破苔爲小築憑欄要遣五人容

同游者杜牧叔張
庶詢孫小舫張詠

覽

蕭山

此河不向浙江流別具烏篷小小舟誰謂官塘如箭直
且圍縣郭作盤游岸旁總見蕭山在霜後纔知柏樹秋
爲問越波消甚處祇憑酒甕累糟邱

渡曹娥江

舜水源出浙帆檝豈不通勞勞過塘人低頭出烏篷江
光接肩輿颺颺窺一窗蘭風在何所邈然追虞蹤但見
入餘句連絡羣青峯方舟泛中流山木變霜容載歌河
伯章鼓枻和吾宗

鄞縣作

熙寧新法付寒灰但謂荆公治邑才罪案如山初莫辯

逝波入海總難回坐教菽麥魚鹽地盡貨明珠翡翠來
萬事勢孤無與立真將一木柱傾隤

慈谿清道觀

翠柏沿山上青山伏檻長朝曦照金玉野色挾風霜汲
此思從黯居吾或誦莊未能安一夢炊許熟黃梁俗以
觀爲
禱夢之所

餘姚縣作

張黃輩出陽明後俱是人間第一流抗手功名判朝野
得天性分見山邱雙城正坐秋霜迴孤抱還深歲晚憂
鳴鼓莫攻知道喪眼中子弟倒戈矛

題周夢坡西溪秋雪圖

寒風夜夜犯霜林夢入西溪雪已深老境都從毫素見
年涯誰免鬢毛侵曉來城闕生清角畫裏滄洲動越吟
真擬葦間長買棹水波端恐有拏音

壽陳子言母

詩人有母樂山居坐引羣峯入綺疏棗栗懷歸從海市
雞豚持餉鬧鄰墟補圖聊記重陽勝釀酒還爲百歲儲
見似乾隆風氣厚青青喬木蔭牆廬

康橋宅成詩以落之

平生百妄念今日當罷手作屋三四椽將歸奉吾母康

橋雖云陋得地逾二畝種蔬可作羹種秫可釀酒誰人
爲作池况可種桃柳詎將泥水芘藉之絕賓友獲此固
甚奢未容分好醜文章自我作自用覆醬瓿匪爲悅己
容奚用掛人口愛憎百無憑孰事堪不朽豈真有千秋
成就在戶牖

雪後

夜來檐溜似鳴泉已挾春聲到屋椽微覺雪湖多暖意
消除不盡祇峯巔

青山不信地回春殘雪疏疏染鬢新風定日高湖水淨
冰天來照歲寒人

除日

百歲吾過半半生今夕除知非明日始書亥有生初顧
我無心史勞人拾唾餘收身計然策瑣瑣在田廬

忍古樓詩卷十

新建夏敬觀

元日立春 以下甲子

雨夜年名換妖祥至可疑曾聞九鼎震 周威烈王二十三年九鼎震以

徐廣註十二諸侯年表推之年名焉逢困敦漫欲五行推桃葦相襍意人牛

並立時三號雞報曉寒霧鎖朝曦

人日雨雪

堂堂九十春一雨已涉七雪落泥塗消青從草根出逢
年卜陰晴來日恐難必但聞瓦溝鳴水甕晚來溢

髮白不更白春奈老人何况我能遣春消受東風和牆

頭望湖水薄冰生微波青峯暫皓首遜此明鏡皤

八日早晴

朝曦初到枕語燕欲通檐水暖明窗檻山斜入戶簾漸
催寒柳醒稍覺早梅淹惟有枯生計逢春亦不添

元夕書所夢

晝讀洛神賦夜夢宿高唐人神道旣殊曷云疏禮防中
情未能絕靈體忽彷徨執手不見拒願言招由房薌澤
發脂膚中單覆溫霜靜容生動姿笑靨增煥光行烟承
纖趾妖軀瞥飛翔明月入虛戶落花上空床反側莫復
覩遺情戀中腸洛川眊蕩蕩楚天雨荒荒精感豈潛通

儻來報君王江波濯綉錦適意惟文章恍然若有失我
思中路長

空巖

空巖隔水未曾攀祇有飛禽噪樹間遮路春光付荊棘
我惟平處目游山

梅花謝後作

青山難避掃花風隨處看來是落紅春色已無孤往地
每游多在衆人中

樹頭已被一風休樹下溪分水各流試問前溪散花片
還能開上一枝不

近昵

日光微透地衣鮮
花徑無風養澹煙
近昵一枝如好女
睡屏休著曉鶯前

牆杏

牆杏紛紛孰目成
玉釵故故掛冠纓
當前莫道非緣分
祇是看花一路行

明妃曲

平城一敗匈奴橫
翁主紛紛傷薄命
漢兵已斷邳支頭
廷議何須效婁敬
醜女寧當棄與胡
昭君况是漢家姝
憑藉婚姻安反側
可憐中國事單于
後宮盡選良家子

誰人更比昭君美君王雖見不能留絕漢親胡生若死
玉顏長似燕支頰玉骨恨留青塚名新都欲質復株女
猶道生兒是漢甥多謝畫師圖出塞空染長眉費螺黛
世間好醜隨手翻舐筆無非候門輩

桃源行

武陵豈禁人往還夢想不見山中山其間雞犬足生趣
何況居人幽且閑花開一度爲一歲莫問人間到何世
天下都歸秦版圖畢竟桃源仍棄地林深水邃谷鳥呼
幾家生聚成田廬一生不認秦作帝尺土未納秦官租
崇桃簌簌燒隴畝白水淙淙繞岡阜尚恨青溪春雨多

浪送飛英流洞口來何不速去何急烟波茫然幾蓑笠
謝君相見喚秦人不願漁舟再尋入

喜得櫻杏移植園中

求田悔欠早種樹苦已遲手植纔拱把成陰待何時鄰
園好櫻杏作屋將劖之數金便買得免供爨下炊舛種
我庭院春花正離離歡喜出望外繞看日不疲客來訝
高柯笑謂愚公移根株恐見傷幸賴新雨滋分餉及飢
禽果熟當滿枝

湖上漫興

衆象忽蓬勃春氣還古初靜者交木石動者習禽魚所

需惟一身萬物皆有餘
緬彼先民世穴處而巢居
后土未雕琢人事無賢愚
但得山水趣意行自遽遽

聞倦知枉過康橋宅
余方有蘇州之行不克延佇
賦此却寄

誰能駕荒乘訪我蓬蒿
邃泥塗少車跡朋友相絕
棄林鳥如家禽童奴晝耽
睡何人叩門聲詩翁扶杖
至我生衣食住三者二猶
匱慈烏方待哺乳燕方仰
飼出飛豈得已勞此短短
翅翁來繞我庭惜欠留一
醉我歸聞僕言髯笑面溫
粹已料是詩翁奚待覩名
刺損書不謂陋反覆歎嘉
植久厭雜屠沽知翁如我
意

鶴亭至荆溪謁陳定生父子墓復至崑山訪劉龍洲冢及來杭州雨中復先至孤山林墓敬禮先賢可謂勤矣書此調之

冢頭雞黍了殘春腹痛回車爲古人好句預投泉下侶
浮名肯薄後來身壯年一逝駒過卻可醉無多酒上唇
雨際更遊君復墓拜氈祇是落花茵

倦知答和五言猥云仿映庵體愧不敢承因次其
留別韻寄謝

斗室豈能寬杖臥一邱壑愧不如君半生始有立錫地
舉世誰稱覆瓿文得挂齒牙防太過亦親肺腑念相聞

桔槔取寄清甘水知是溜澠到舌分

爲錢後者題錢武肅王像

錢王初以武犯禁崛起江東應符讖手提一劍逐黃巢
越棲雖小容安枕敝屣帝號人所難王奉版圖歸縣官
相依一士得羅隱氣概真在賢豪間當日布衣露猛銳
石鏡起爲飛舞勢我今能識舊王孫綱也何其類吳芮

蒔花

二畝蒿中劬地成已拚抱甕了餘生詩騷未可充腸飽
今日粗知草木名

睡起拋書一散愁此身仍與蝶同遊看花送老真吾願

五十年田始有秋

落花不比舞姝身
枝上來年更有春
娛老莫將紅粉妾
全家俱是護花人

織衣耕食爲吾分
勞力何殊自種花
不費一錢頻看取
路桃牆杏屬誰家

爲袁巽初題桃花幀子

緣飾東風作艷枝
何如醉墨寫天姿
若教飽喫瀟山飯
一見桃花更不疑

傷哉吁自憫其遇也

生江湖隱江湖孰令爾
遠鷗鷺居來踟躕去踟躕
鶴下

飲啄雞鶩疏身遭豢養若囚鳥被人畫作調鷹圖南之
籠北之閑雕鏤宮室極寵貴簾廊織竹垂蝦鬚調丹翠
貌文彩惜爾志趣已下膏梁腴窗中有人夜半呼得之
鎗銖喪者若邱山嗟爾不去寧非愚我將往學商邱竿
豈樂入衛乘軒輿纍纍喪家之狗如吾儒楊朱痛哭莫
辨東西衢墨者突且不黔何所娛不如倚木作巢懸我
廬眼看禿鷃黃鷄相苑枯飛鳶帖帖墮水濡車中薏苡
成明珠置爾麟笈爾鳳傷哉吁

吳靜山席上次韻答杜枚叔

杜牧平生賦杜秋座中標舉見風流綺懷未忘三生事

勝日聊爲一醉謀詩社題名齊大歷義尊作會在杭州
論年最是吳均老鯖膾先教釘五侯

書感

受粟三鍾十束薪支離攘臂本殘人
咎餘敢道猶存舌
毀衆安知不殺身惟可閉門辭口語
聊將抱甕保天真
海樓入夜看兵氣蕭索秋蟲更我親

哭羅拔東

聞子死耗至嗒然若喪吾萬端相仇殘
白頭作天俘況
子才過我讀遍人間書遭世無所用
坐爲無道屠寫詩
出心肝臟血刀劍剗餘生付歌者
百念消翳觥奈何犯

衆史排娼騰其誣豈謂焚樂器埋子骸骨枯哀哉死生
故墮地啼呱呱萬事無一可細甚不免誅此意至沈冥
內難語妻孥邇聞病狂婦怒碎空米盂繫誰裹飯人歌
哭來黃壚酒羞薦靈床餓死寧復蘇惟當對子殯一效
長鳴驢

聞雷峯塔圯

夢中早覺山淵徙塔王踣地忽不起欲令有力負之趨
坐恐牛蹄傷穴蟻是非未必關存亡善用誰橫一劍霜
重到西湖應不識更無好地看斜陽

甲子重九

刻畫糕盤獅子蠻家居僻在四夷間晚雲當作蓬萊看
窗外無窮海上山

倚水爲樓坐臥餘步廊雖短得憑虛閉門不獨耽畦菊
將補平生未畢書

代書寄答杭州諸故人

孰嘗懸膽共焦思啜汁紛紛事可知一擲僅餘孤注在
衆猜猶厚敵人資賣情內自多繒賀忠告言誰聽目夷
散去門闌今幾輩却將成敗議殘棋

挽林畏廬

閩士嚴與林等以著述老林書極談諧嚴書太玄草嚴

死林更蛻天喪連城寶豈似尋常人歿去跡如掃我聞
林子病來去一瓶鳥去去還復來倚枕書了了書言六
七兒日午飯當飽循牆幸不壓脫身跳如蚤爾時中陰
身突起示之兆莊周逍遙遊生豈較彭夭哭周非知周
周病焉用禱寓言八九耳不死乃至道世稱志夷堅見
子一鱗爪

贈王雪丞

誅伐用春秋決獄用尚書二經炳事功隱顯道不渝案
食剩三韭楹書猶五車十年窮海頭老學顏其廬鏗然
校勘硯雜坐古盤盂堅比百歲身同出劫火餘

元日試筆和倦知韻

以下乙丑

筆頭結習老難忘墨瀋誰能黑鬢霜
匝地妖氛纏太歲彌天缺憾付嫺皇
惟餘野史存綱紀都向新年卜雨暘
春帖思量何語吉辟兵二字寫中央

贈林夷倅同年

見君動游興況是梅訊發追念十年前
屢共賞香雪我今過五十君年過六一
平生國手棋藏袖不復出娛老兩屐齒
肯爲功名折萬事付相工餘年天豈放
相期逾十載猶能探巖穴

贈余鹿門

前身漢南習鑿齒且字更同皮襲美少年氣節如長老
自是趨庭有根底我衰始得讀父書半生消磨在鹽米
羨君寢饋經史間長日閉門居止几

爲劉葱石同年題枕雷圖

昔在佳人抱今爲高士枕西州紫玉紗羅檀胡部琵琶
雙絕品誰能一再彈聽者摧心肝冰蠶抽綸雁啼水驚
雷繞殿春陡殘玉骨夜覆宮錦寒鈞天夢斷不可攀路
旁見折承露盤御器零落拋人間劉郎老臥唐琴側今
感古愁迸淚墨漫教歌此忽雷兒譜入四絃哀故國

爲陳叔通題百梅書屋圖

君家有屋才斗大那得庭院容百梅入門乃覩雪色壁
妍枝醜幹花漫開君言吾梅非尋常百輩畫人手所栽
一本出自唐子畏兵後幸免充爨材其餘九十有九本
一一均從精選來挂之牆壁十一二八九在筍奇花胎
四時換取作新賞頻向樹下銜吟杯君將百梅顏其室
自寓平生耽僻疾澹游此圖真巧合君今得之名副實
清癯風味耐尋玩於今能手無其筆吾園十樹花已空
會向君家覓香雪

乙丑游天目山雜詩同游者林貽書鄭稚辛李拔
可沈文肅公女孫沈莫邪孫婦林女士及其女

燕

山頭大雨平野晴溪水陡作黃河聲行行直入山雨下
頭笠搗如敗鼓鳴

我夢仙宮鳴屋瓦飛流百道建瓴瀉人間比似雷輓聲
雷聲翻在溪聲下

鄭李昔爲雁蕩客林君更欲匡廬家平生看泉果誰勝
視此不敢相矜誇

我爲後游作前導謂是老馬迷其途澗東澗西坐已熟
山靈枉我我枉渠

扈然孰夾寺前道大杉數十皆數抱水亭啼鳥兩三聲

千百黃鸝今在菴

林君攜女及山半語我杜鵑殊爛漫我時病足止亭中
坐對雨花終日看

侯官女孫沈莫邪足力健可追磨慶燕齡十二與飛逐
直上絕頂攀仙葩

鄭李賈勇登中峯跨上兩竹如茅龍得到西坪謂勝我
曷不下視香鑪松

萬丈峯臨不測淵步行吾自覺安便平生托命在兩足
山屐穩於湖上船

山中霖雨長不休出谷百折方東流千年溝斷一朝起

有力誰能盜壑舟

左南生約登九折巖午齋

百丈攀升兩竹將
籐蘿如挂轆轤床
拂苔徧露題名石
到頂才窺供佛堂
活火煑蔬充儉腹
陰巖懸雨洗迴腸
不因餉客妨公事
按部知君正課桑

寄譚无畏廣州

飄風扇原火江漢
沸如煑而况海之
南安可久居處子
往今五年子志良
堅苦入火身不焚
從井墨者許徙薪
歎不遑待子作時
雨我聞蚩尤霧已
徧涿鹿野仁義誠
利器慎勿爲所假
太阿果倒持堯舜
且見虜子言國當

聽子歌何激楚盾墨志草木厥狀吾未覩琅琅新詩篇
誦之比新語

寄題陳佩衡丈晚香堂

恆情惡聞死老氏患有身信道苟不篤常懼朝露先我
聞列僊真委蛻如灰塵世或燒丹鼎希爲千歲人鷄犬
且不舍攜以登九天又悟百年中強半枕席親行窩視
祕器久暫無區分世或作華屋美哉奐與輪臥榻才數
尺惟務貯夢魂陳翁獨不爾穿墻草堂偏日持淵明杯
預作自祭文人但謂翁達我尤歎翁賢二難比季方兩
龔師君賓豈止聞至道節概邁羣倫

衣冠誰效孫叔敖環中卑之論毋高尚以文彩鍛羽毛
徒言臣夢吞三爻沈淪翰林鳳皇巢遁跡著述謝金貂
九流百家學并包雕龍談天鄒衍豪閉戶草玄度莽朝
吐舌萬里孰得撓睥睨濁世聲甚囂有田一壥秋穫饒
提挈婦子登東臯白頭嘯歌發春韶

哈園觀芙蓉客有道癸亥中秋與羅癭公飲于水
次明年癭公遂下世因相與悽愴久之

曼卿車騎今誰見塵世花開過此堂露粉吸風搖晚晚
天霞散地寫荒涼微吟共繞疏林外小坐追思曲渚陽
興極事殊疇得遣別愁零落挂剛腸

徐園聽歌

花壓棚場背野開
歌聲暗喚古靈來
衣冠顛倒天魔舞
粉墨周旋亂世才
流水腐心綿鼓吹
迴風酸鼻落池臺
夢魂猛及三唐後
俳語纍纍腹漫猜

和倦知滬濱卽事

一蟹能如一蟹不
澆胸聊借菊樽酬
跳踉斫世成終古
瘡痍連州入瘦秋
戶索孰逃秦役免
天崩真厚杞人憂
爪牙騰攫多豺虎
何地招魂可久留

重九半淞園登高

海角摩天雪鬢雙
一樓齷齪遠窺窗
挈來單外尋堆阜

題林蔚文虎口餘生圖

仲尼說盜跖跖方休卒徒坐而膾人肝進者足趨起再
拜稱將軍言發斥面譽堯舜等芻狗何有南面孤開說
必見殺枉以益晝鋪險哉料虎頭趨走疾回車爾時太
山陽行李避其途我聞蜀道難千里如燒屠黠者盡從
寇良者何所逋釋質令束手寧有趙子都前境可怖畏
視跖猶蔑如讀君永川記如讀莊生書

哭左南生

念子崛起才百端由內斷濟以心性平固不嫌傲岸此
才似太傅公論在月日氣體非不豐文章非不健追維

平生言孰是早死券凶問初到我疑信尚參半一閃果
齏粉魂魄駭且汗入門覩靈床遺嬰事含飯令我久枯
眼迸如湧泉散我久別汝姊夢寐了無見因之牽舊腸
剜痛欲寸爛索言慰慈母在舌殊謬難聲悲不能畢常
語委數算吾曹天所棄志業敗塗炭餘年終事畜未可
死憂患子嘗嗜狂藥苦口我曾諫病來復飲酖此意豈
自拚一棺閉視聽那聞覆杯歎黃泉去無涯行矣死友
錢

贈曾重伯

湘鄉功成善藏刀廟堂不復求英髦公孫雖賢衆人遭

步與坡陀跨短缸溫檻菊萸寬茗椀連牆鳬雁狹煙江
坐愁兵氣成焦爛炊累橫空落日降

陳石遺喪子公荆書此唁之

送君歸閩日問君相見期君言別暫耳寇至當復來果
來必避寇八九可揣猜奈何從北至一棺載兒骸此耗
初不聞聞之驚且駭念君有佳兒方舉拜慶杯伏日帆
瘴海竟爲寒熱媒微祿忍曹官錄錄斂其才以是處亂
世胡朕召禍災君往一撫視刀圭力難回痛哉不與玄
薪火撥寒灰君歷舉古賢自况以塞哀康成至竹垞十
輩命等儕老皆喪首子報施謬是非辛酉我哭子至今

有餘悲慰君無一言自慰辭多乖一面別我去對坐無
好懷

飲康橋居月下看菊東蒿庵息塵倦知漚尹諸老
並示叔通公渚

秋花移貯舊苔盆真色人間賴此存江月與爲滄海伴
島雲閒畫夜山痕不知塵市多燈火欲倒霜天入酒尊
聊可追隨諸老健支離長倚碧松根

疊韻再呈蒿老

斯民久戴望天盆劫後嗷嗷孰與存遣興嬾開看菊眼
澹災愁掃燎原痕涕淚揮向淮波闊光氣中含岱嶽尊

置酒正逢齋戒日
欠邀筇屐繞籬根

秋日卽事

落日猶能光滿天
度空鴉雁自翩翩
往來定識寒塘路
窺我衰蒲敗柳邊

野霜白白屋如山
鴨腳林黃楓柿丹
老色轉佳俱可賞
初陽特地熨闌干

斧斤所赦是松楸
颯颯蕭蕭古墓頭
欲與陳人分此蔭
不妨作屋伴荒邱

得伯嚴杜園同泛西溪詩
追念昔遊左十二
遂已

下世次韻感賦

夢踏蘆花拂水晴斷腸聞此櫂歌聲夕陽總入溪山底
墮雁似隨燈火明霜葉打頭垂柳盡夜岡無路短松橫
迢迢恐欲枯天目回首同傷客死情

寶嬰

肺附功名孰短長酒行未可坐同堂一時凶德成參會
籍福區區那救亡

陳平

陳掌恩由衛少兒豈緣陰禍世終衰論功總謂多奇策
何策封侯世莫知

題師友遺墨後

大節堂堂陸秀夫藁存經進講筵劬一朝宰輔公居殿
卅載科名我濫竽靈素庸言寧起廢齒牙餘論每噓枯
邸門客館俱春草惟見林間翠石孤

右陸文端公

壞屋秦淮角吟聲四壁空無慙副墨後祇以布衣終至

味存菹蛭遺編付蓼蟲邇來尋魏墓蕪沒亂山中

君祖
默深

先生葬杭州西湖頃湘人覓其墓
碑石不存已不識埋骨何所矣

右魏季詞繇

落落補松宅荒荒野史亭潔如太古雪孤似啟明星遷
固傳家寶胥平入座靈移書感宗讓每展涕先零

右吳子修慶坻

潦倒存杯酒平生醒亦狂
回帆衝細雨信馬踏斜陽
塵敗羣書篋名餘斷句囊
古今一邱貉腐盡溷肴腸

右夏穗卿曾佑

臥榻成談藪人間谷已陵
抱殘漢東觀娛老宋書棚
食案餘三韭詞壇會五鐙
一星孤曙後弔客祇青蠅

右吳印丞昌綬

鄭老曾語我爲君詩每工
人亡潭水碧世換益山空
掃葉寒煙底鳴笳亂柳中
江南來去跡如夢踏西風

鄭蘇
堪嘗

云爲石公
作詩每工

右顧石公雲

師初不識倉梵字亦解吟詩亦解禪衣衲酣收四明雨
酒壺滿酌洞庭煙驢頭大似誰能會鳥口殘分那得全
千百丁香法源寺樹間何憾動人天

右釋寄禪

平生每誦扇頭詩謂似冬郎骨在肌道載斯文肩比鐵
身隨國祚命如絲重臣須愧埋名寡先帝應傷入傳遲
我屐欲窮彈指跡相追殘夢苦無涯

右梁文忠公鼎芬

一見楊居士將持此道西眼中怖前境夢裏落恆蹊著

字須爲偈逢歧要不迷平生果無漏法喜與同棲

右桂伯華念組

識子由吳季知名自蒯通繙書金粟窟剝芡夜燈中俊
語多回味遺文可振聾清波一千頃去若大淮東

右汪允中德淵

家法黃薨圃鄉評何義門流傳遂陳跡才性要深論插
架成昭穆量珠付子孫一瓶曾我借追憶蝨同捫

右繆筱珊荃孫

流俗每輕此相譏如嗜痂居爲老聃室行載惠施車舊
校手親過奇書眼不花梅園一弓地無奈日西斜

右孫星如毓修

謝陳子言惠貺洗沙宮餅

乾隆克食豆爲沙傳與廬江賣餅家曾賜外臣袍袖汚
故教宮婢玉盤加工夫已破如泥細物力難爭進御賒
分我一筐甘旨足含飴先博軟膠牙

次韻和陳叔通賀山池落成

池上柳垂綸山頭松偃身吾甘荷鋤老今勝立錫貧海
近鷗爲伴天荒雁與賓遲君作雞黍閒話樂蕭晨

偕拔可直士愬維觀製水泥

泥石入鑪冶齏粉纔一瞥大釜燒水漿飛炭吹赤屑鼓

動陶鑄之意以補傾缺突冒煙火中盤旋穿凹凸輾轉
欲聾耳輪軸累相齧背汗浹重續得戶卽奔出江光豁
到眼冷風已狂熱人力怪若此乍見宜吐舌機心固尋
常久慣破局鏹我身坐銷磨安得似精鐵矧將天眼觀
此道誠大拙初摧堅者敗終使散者結是物聚如山小
比蟻營垤俛視一莞然吾語諒非謫

次韻和庸庵尚書丈

一榻自隨堅坐久相看華髮照談筵商量蔬筍成滋味
牢落江湖送歲年理亂寧關人外境躋攀何限夢中天
此懷聊託金鑾記未異冬郎渡海船

野庖辦饌寧堪飽惟有冬烘伴午筵
世局將闌如舊臘
命宮相阨在餘年
欲歸豈得埋憂地
作計真憑厭亂天
且寄一廛甌脫內
門前擬繫武陵船

除日自述用倦知均

毛詩三百出焚餘
齊魯遺文恨缺如
老困眼花妨細讀
生耽癖疾肯全除
豕魚從古經胥寫
酒脯羅前祭我書
辛苦終年聊自喜
要還面目見真廬

珍傲宋版印

忍古樓詩卷十一

新建夏敬觀

元日和倦知韻

以下丙寅

燭花入翦臘盤陳微覺林間旭日新
信步出門看野色暮年結屋近江津
谷鶯待喚枝頭侶汀鷺相忘海上民
終歲不眠惟昨夜靜中聊當守庚申

挽許仲青

二徐韻譜存詞舟李登聲類不可見
殫心究之後有誰孔巖繼起過江段
仲青績學常閉門積稿寫定纔數卷
我初未聞缺商略歿後徒深向壁歎
孤兒走狀述遺說

數語已能覩精斷自來經師多大年天胡於子慳數算
馳書介弟成此業毋令斯文隨霧散

正月十二日攜婦孺遊無錫梅園遂至萬頃堂用

東坡聚星堂雪詩韻

醜枝作花貧無葉老眼看成枝上雪提攜婦孺出林底
乍見湖光俱叫絕花光得水更明淨步上峯頭堪俛折
近前數峯如浮螺遠峯青青漸欲滅一峯蹲似兒學書
把筆將從几後掣烟霄茫茫日下春漁舟點點風散纈
欲歸不舍萬頃堂午至哺饑搜餅屑此堂平視境尤幻
久坐尚憎光景瞥超山比擬果孰勝未到不容開口說

一春有約難兩踐安得屐齒鑄爲鐵

倦知翁出示和蒿庸二老詩以聖俞况僕媿不克

承因次韻答謝

似我真爲斧赦柴豈如寶樹近瓊階吾言未必人能喜
翁譽防遭俗所排梅意稍回詩思暖春風動與物情乖
忍寒誰共巡檐看宿雨番番溼布鞋

小園梅放惟倦
知一臨賞之

古人手種小松杉今日橫柯百丈巖自挂籐蘿如壞衲
却憐桃杏炫緋衫沈冥獨在羣生外包舉終能萬象咸
此境未容吾探借夜深宜樹特來監

次均答倦知見贈之什

人間倉積壓新陳我腹空空匱鹿困安得無鹽目爲美
故知玄酒味非醇亂頭麤服田家婦葛屨黃冠世外人
欲起強翁爲伴侶不爭些仔惱懷春

爲陳叔通題沈乙厂山水

五日一石十日山平生下筆從苦艱孤懷冥與古人契
閑置不許流俗看乙厂作畫似吾不立意要欲追荆關
生前未換米鹽喫歿後幾紙留人間

誠齋下世後題游天目詩卷

齏粉千峯一夢間勝情爲汝欲全刪豈堪更踏溪頭路
曾是同游雨後山巖下杜鵑應惘惘谷中黃鳥莫關關

去年有約尋西徑
賸可招魂作往還

拓地答叔通

棄我屠龍學來讀種樹書
拱把且成林條葉鬱未舒
我木日茂密鄰地長空虛
一籬限東西不得通有無
我家新竹筍竄入輒見屠
我家老黃葉枯落費掃除
不若割有餘讓我竹木居
我鄰然此言歲使輸傭租
開籬拓吾園歡喜肩杷鋤
陳子休妬羨君家饒畫圖
萬千獅子座羅羅室清疏
看花不勞穫勝我樹繞廬

題叔通詩卷

君詩何所似清如在山泉
不肯赴江海自閉巖谷間
我

雖入幽深亦未覩其全有時得淵渟一泓見澄鮮窮君
所歸往非可閔不宣終露巖谷外有如泉流然山非不
善藏知者能往焉使世知子詩豈必由我言

倦知翁以拔齒詩相示感而賦此

人生墮地初胎內具百體齒牙獨後出曾非毛髮比後
出或先落未嘗共生死匪由父母遺奚必計全毀呱呱
玉雪兒豈羨編貝美奈何兩齟間暴茁如蓓蕾漸能嚙
梁肉終忍絕乳爛自我八歲齟初齒況捐委凡今口所
存徒以重吾罪食淡苦不足日必殺魚豕報施固有道
屢痛遽不濟我年五十二壯齒已先餒有時遭鉅創上

下猛觸牴輔車被株連相依實相累醫言去之使我諾
云唯唯是誠害已百非我妄排詆倦翁七十餘辰際玉
光曜近年初動搖斷骨撼堅壘每飯感齷齪發憤決彈
指投醫事拔除作詩道其旨鋤惡以存善用心誠惻怍
還期補天功朝暮嚼斗米我知柄鑿柄棘軸徒膏糝不
能保其天造作反乖悖又悟常樅言存亡道如此豈惟
象焚身剛折亦爾爾我年似翁年齒存復能幾翁年進
期頤覲齒當嚙嚙矧翁能食酒尚可飽醇醴我齒倘盡
落但能飲瓢水惟當視萬物一切等糠粃往尋飯顆山
從彼杜陵鬼

題金西崖刻竹

道子善寫佛惠之乃工塑勿爲人所掩以不相襲故刻
竹雖小技此藝今獨步譬握錐畫沙視若毫與素竹箭
作扇材汗之庶無蠹願借君所刊持展障塵污

題羅掞東手書詩卷

子厚貽詩示孟崙王書題背我收存時人誰敢譏羅趙
一洗君家萬古冤

老學庵中陸務觀詩功百鍊到寒丹王城十載能容足
爲有歌場片席寬

漢碧歌名漸出藍就中青子最回甘論功自有先河在

手寫新詩報魏三

此卷乃爲伶工王瑤卿所書乾隆間京師崑伶陳銀官首出一指爲魏長

生之徒羨碧其字也按東最眷程玉霜故以況之

待雨不至

晚雲挾雨勢垂天
林月騰騰似火然
談次已空千萬里
傾江倒海注誰邊

贈朱漚尹

貴壽於何徵吐語最清朗
忠言訴九重殿角見崛強
身退未五十廿載邱園養聖者固知幾
國覆果反掌平生無假借
真氣樹吾黨出處義炳然
衡之世誰兩白頭娛
歌詞鏗若金石響從翁
茗雪間試擊吳兒榜

贈徐丹甫丹甫集漢魏碑字爲文辭頗有致

自來此事有傳薪楮墨完完不失真梁帝敕書由鐵石
唐皇製序付懷仁掃除斗室青氈在坐臥碑林白髮親
風味雋如詩縣令鶴銘題側最通神

仿金檜門觀劇絕句

侍兒故有人倫鑒豈待楊公爲拊床亂世才偷爭竊國
不知眼底孰能當

紅拂傳

龍眠畫本今誰見苦料丹青尚欠工坐覺莽才輸吉利
質云易印兩無功

文姬歸漢

塚樹哀禽相向鳴誰能投曲更添聲故人絕筆歸黃土

寫盡春蠶到死情

鴛鴦塚

刺虎傳奇舊濫觴殺仇今見袖青霜促絃應節真能事

傾瀉佳人義烈腸

青霜劍

亦是人間療妒圖亦能藥石到酸儒舌端俊似鵠鴈肉

薄罰權教捉總跗

風流脣

爲張菊生題許安西夫婦合璧畫冊

公諱乃穀字玉年治安西

有善政太外舅文恪公之兄也夫人徐氏

絕似徐家風牡丹折來微帶露華看傍花更補松芝石

麝馥分從上谷丸

閨中翰墨老和鳴繪事能追項子京每紙尚書留赤印

婦家遺卷二難并

曾見項夫人墨梅十幅花果冊子每紙文恪公皆題款置印項夫人有翰

墨和鳴
館集

仲姬片紙寶兼金合璧丹青沒處尋十幅今歸崔復手

合教嬌女對窗臨

崔復爲趙子昂孫婿見徐一夔始豐稿

還徐仲可詩卷

結屋爲鄰百步強祇緣酷愛水西莊繞門我失陂千頃
種樹君堪柳十行詩思捷於車下坂史材儲作橐中裝
過談往往攜珠玉此寶無勞祝盜方

爲周夢坡題文瀾補闕圖

純廟南巡建三閣杭書散失鎮揚廢寇火乃與典籍仇

不獨神堯遭犬吠庚辛後再更甲子國力不充人事瘁

文瀾補葺殊艱辛二丁

丁申

九仞虧一簣石屏袁君

嘉穀

鈔闕目殆將集事逢阨會錢叟負謗誰解紛而我當官

煩責對

歸安錢念劬用省帑補鈔文津閣書經數歲始得二百六十八卷予方司浙教育議會屢以

寶問冷僧

張宗祥

繼茲得君助急起僛功良足貴我懷疑案

未冰釋竊揣官司前甚蔽精槩既出天祿藏四方貢獻

復揀汰善書好寫存其真中不盡符吁可怪似聞當日

迫程期寫官謹異石建輦坊刊取給便傳鈔上所不察

輒欺僞又疑文淵所弄藏宸覽常親異於外是時中祕

許外假持校提要將是賴神姦竟欲周鼎私巨蠹能爲

石渠崇蒲博珍奇盡歸己雖不解讀豈容勾君獨勤勤
事補闕此勳宜在凌烟繪

題陳蘭洲贈高嘯桐畫幀後今仍歸令子叔通寶

藏

先生作繪卽春秋未識權奸解懼不發憤文章托毛穎
契心草木訴靈修定應有夢尋高惠豈爲憐貧贈賈收
知汝抱遺傷氣類祇今無地著瓜疇

除夕次袁巽初韻

良驥寧甘伏櫪嗤坐看籠晃八驄馳每當殿後心猶勇
始欲傷春鬢稍知廢棄官如昨歲曆酸鹹味入老年詩

因君抵几論身世回施吾生少壯時

此器奚由獲瓦全囚人夢赦奈無眠萬言難滅薪中火
一發真如箭在弦蠟淚到明空滴瀝鳥聲換歲更纏綿
寶黃廝赤終何濟功罪猜疑恐未然

二日地震次仲可均

以下丁卯

疇可安輿者砰然柱折坤一朝騰閔議萬事入眇昏海
眼吹湯沸冰膚裂凍痕樞星何意絕天問苦無門

人日園館夜集次均答伯嚴

好春涉七煦蓬居杖履蹶然及我初草腳溫風微繡土
梅梢片月舉當除得饒精義篇章外稍露談諧咳唾餘

敢詡吾詩殿雙井涓涓纔似豫章渠

再次前韻簡座中諸客

牆樹畦蔬稍部居小車渡客上鐙初得掀韶氣方三日
已逐年光入二除花阜梅兄挈簪弟菜盤春買雜冬餘
泥塗正可通高屐柳拂天濃一半渠

徐積餘得錢越金塗塔因作禮塔圖賦之

入坐如來示往因前身天上石麒麟紙皮筆骨誰爲寫
刀割檀塗等可親輪相黃金斑澀土梵書貝葉宿通津
燈前細讀憨山記正有兒錢踏破人

題吳柳堂罔極篇今歸姚虞琴寶藏

翳古忠孝人得存幾遺翰此出攜雪堂血淚寫含飯都
畿方隕喪自分死魚爛匍匐扶母棺竟全有神眷母死
身許國忠孝道一貫從容盡言責豈計殺身患上疏爭
繼統實鑒女禍亂大事寧可默決然用尸諫是時三月
暮宣南忽飛霰九天與三義廟鬼同泣歎孤孫久泉下
吾友得此卷云從兵間收幸未雜薪爨細書初到眼真
氣浩不散知子慕義人能貴今所賤

和均答仲可

名物難箋爾雅詩買園方就橐駝師文章釘鉅勞何補
蔬筍肝腸老及茲寧有寸長當下問從來孤詠畏人知

行間春蚓君休看林際新鶯正入時

贈黃石孫

落落鄭所南堂堂熊勿軒與道作扞衛世壞常獨完矧
挈同志妻共此一瓢簞諸郎但勸學攻苦若素安我始
識仲子契心文字間邇歸壽翁媪示我述德言翁初仕
京朝瀝忠吐肺肝言輒犯卿相陰遣去諫垣出守歷二
郡郡平政用寬時微訶先幾媪曰盍免官遂耦冀缺耕
簪藜貌閑閑治青晚居青衆識故守顏擔酒爲翁壽想
見吏民歡

園花

園花次第手親栽漸漸成林樹樹開風雨漫憎春過分
泥塗偏礙客頻來籬根新綠紆三丈廊角殘紅掃一堆
更數露頭毛竹筍看他長大自嬰孩

法公園

一園佳處在巖泉乳滴簾間似有年坐石稍能如我意
貌山差喜近天然屐痕沒與青青草觴水流爲淺淺川
島樹蠻花須少種多栽垂柳養風煙

四月三日法公園作

春光微挂柳絲中臨水吹花更不同晚景何人消受得
天霞正鬪玉顏紅

晚來行坐且須臾正恐林間日易徂看到水西眉月上
相追祇是一星孤

伯巖鶴亭伯夔同游哈園

濕霧生林醜菌肥架籐覆路日光微偶然我輩來看竹
豈有高人可食薇廊館參差雙帶折池臺輻輳一襟圍
相攜且擇危闌坐正不煩開未放扉

徐園看蘭蕙杜鵑和鶴亭同年

蘭蕙山榴滿瓦盆層層高架列晴軒對花誰免經年感
拂几同將舊夢溫草木平章殊有志同光池館此惟存
若矜種色知難貴那比君家水繪園

和曾重伯過飲紀事見示之作

焚舟已赤江壁伐樹更赭湘山誰能义手從族客效鳴
雞度關

文舉果傷巢覆康成猶幸萍浮我爲發書感逝君當滿

飲銷愁

葉煥彬被害重伯以先日出亡得免

享我千金敝帚惜君三篋亡書衣帶來從裸國琴尊聊

樂吾廬

吾廬乃在甌脫萬事賴可瓦全未壞玉于盂金縷猶賒翠

帶花錢

次均和馮蒿厂病起告存

耆獻巍然國有魂三亡不足喪吾存喜聞病起能扶杖
將爲花前更洗尊功轉鼎丹詩卷續氣勝鍾乳藥鑪溫
便當與地除瘡痂登望澄江水抹坤

再游沙園次均和伯巖

低坐石燈水次深藏木榻林阿垂柳倦爲胡舞啼鶯老
學夷歌

不聞鳴鳩呼雨疑有鴟梟詔晴花片天霞落地仙機風
擲無聲

我愛狂香浩態林邊亭角相逢腰扇奈難障面塵沙傍
蝶隨蜂

再游我賦六字禽言倘苦雷同終日道行不得誰將此
鼻亭公

爲庸厂尚書題石谷普安州圖

黔中乃是山水窟普安界滇更奇崛向來未入畫與詩
短紙開圖覩雲物其間甘棠誰所種太丘巖桂芬鬱鬱
丹青出自石谷子似與翁家圖召茆二難持之作佳話
雪壁張掛勤拭拂尚書平生見峯距盤拏胸次黔山骨
生朝題詩向餘紙卷軸堆床雜棠笏我昔每誦子尹詩
掩卷嘗如夢游兀子尹足跡不到此無詩我爲山靈屈
丹霞響水方尺間欲逐耕烟遭髣髴意中揣擬入畫境

局鎖重重忽明豁鳥行梯棧上空翠萬木森然豎毛髮
挽車四輩官行田寸馬豆人旋出鼎流泉或繞石墜下
旱稻區分人力聖山城剝腔萬峯頂衙齋遠見村旗勿
咄哉此幅寫幽險坐與邊州掃塵埽承平治行勞寤想
兵氣纏今誰往被

答李駿孫卷

文兼三籟聲於詩人籟拙補天地虧世間萬物就腐朽
腐朽脫口成神奇當其下筆欲無古一家何足爲吾師
王令識高命苦短意等豹死空留皮李君才力有天授
未可持是相縛縻大篇參以不韻法特具一體終必疲

試將往古入融冶起與造化爭鑪錘蟠而天飛勢莫測
陳翁贊賞非我欺

題周夢坡莫干山志

吳王鑄劍犀可斷據山燒炭供百鍊至今山以劍得名
古代精金無一片峯頭萬竹大於纛六月露零冷如霰
渴羌來就飛筩飲海鳥搏風下窺澗挽強命中不足雄
地產空餘材作箭周侯愛竹買幽築覆壓窗頭遮暑汗
閒來著書若剡錄所識雖小佐談燕我家嶺上看水牯
一角匡山失真面慚無志乘繼令舉刺取紀略入圖卷
真長追和庚戌重五韻次韻賦答

紅榴似殿雜花春
歲歲花前一撫塵
河女漫傳江上曲
歐回空祭水邊人
七年求艾誰蠲疾
三日亡叢竟藉神
入夢山塘親節物
淒涼今老兩吟身

贈曾農髯

海樓一角垂古簾
榴枝照席明蒼髯
石硯開對嫗鏡匣
雙吐光氣如老蟾
皂袖拂拭素楮縑
或畫或書換米鹽
紀以甲子歲月淹
婦名偶向紙尾鈐
老年筆勢尤精嚴
日遣持去人不厭
夢攀祝融光炎炎
厚載忽入霜毫纖
吾聞土風意彌吹

挽康南海

一節全始終蓋棺誰復謗追念酒座語辭理抑何壯計
雖百無補志實表貞亮當時逆衆流側手一東障士議
固後子重名無與抗史官究成敗責稍歸孟浪隱禍伏
宮闈無子詎無恙國亡子不二垂死道益喪天誠絕斯
文泣涕覩歸葬

寄題冒鶴亭滋蘭軒

正士值亂國忌若當門蘭芳香或自焚憔悴題拂間君
家有九畹昔以名其軒抱薰敵羣蘂氣類遭天殘名跡
誰追收荒堦委榛菅惟餘舊圖卷光風與輝扇君今慕
往行贖歸水繪園棖桷頗新復根葉彌滋繇圖落鄧生

手韞櫝惜不還但得擘窠書爲君題軒顏辛苦繫魂夢
寧止一青氈妙繪出家姬受露心共丹倘獲更贖之展
與閨人看幽花可比貞美玉可滅瘢持況君子性寫君

詩肺肝

冒巢民滋蘭軒畫蘭爲姬入金曉珠及傳青主
姜實節楊龍友諸人所繪今藏江寧鄧孝先家

哀葉煥彬

子善納音術頗持鑒人倫用是料禍福胡不免於身忤
世出俳諧入木殘三分儕輩或愛諒怨毒嚼細人海內
久累氣危遜猶苟存士夫死非命身首多異門子嘗幸
挺緩幾殺亦旣頻奈何快臧否終以齒自焚子學洵角
立子性難強馴坐爲氣類惜論比讓與甄

爲冒鶴亭同年題其先德巢民徵君小像

我聞魏子一畫扇意殊俊
我數朶峯以比人澹峻又
聞樸巢樸怪狀如幻蜃徵君自記之跋者有杜濬畫像
翳何年遭世甘肥遜座旁果何有冷厲納溫潤一石一
木根二物固非閨鼎角觀匿犀清裁猶利刃札產嬰向
傳主賓庶乎近

爲冒鶴亭同年題其母夫人稽山負土圖

我昔探禹穴摩挲窆窆石旁遂擢舜水舟載誦河女章冥
心采文獻每歎多散亡三周挺星社盛名在其鄉竊怪
李恣伯始善終參商君誠外家寶佚事述之詳輕詆不

足道世議少子將賢母往葬父封植稽山陽讀君謁墓
詩一字淚一行遺風溯娥孝吾爲歌慨慷

爲張菊生題其先德螺浮給諫涉園圖

冥心契自然萬物赴意匠海鹽固多山郭外曠閑曠言
尋仕隱跡歸臥濠濮上亭榭雖不存水石却無恙給諫
入告編夙昔曾拜貺終附涉園記一一寫其狀自頌圖
贖歸展視蒼碧障想陟最高峯石帆遙在望身當光宣
衰世豈順康尚朝官那可作言出遭逐放兵爭十六年
禍矧逾板蕩非無佳鄉邑所往虞寇掠惟餘甌脫地小
築效益益短籬隔花竹咫尺我隣傍我家有田園夢寐

不能忘凶氛正未已歸計誠自妄猗玗果樂耳吾欲師
漫浪倘從漱浦遊一泛青篴舫

挽馮蒿庵

陳翁有夢當辰年陟級佇聽東階偏侍郎堂皇吏傳命
公祿當盡一紀延幽明事隔難具曉寤而語公公莞然
瘞蛇吞蛭尚獲報說在賈誼春秋篇矧公百行內無愧
功載天籍高如山退傷流隸濟餓饉仕察民隱除貪殘
歲辰不死宜有故果十二載方蓋棺維公文字神常完
彌吐厚氣噓孤寒葩正示我風雅刪云雖小道必可觀

鳳林選詞負一諾登研痛淚空沅瀾

屢聞陳伯嚴述丙
辰之夢閱十二載

丁卯七月公果逝世適符增壽一紀之語

答冒鶴亭雨中見懷園居

雨中懷吾園曷不且過訪聞攜袁耽游擲帽謀一償吾
園桂初花歲蕤小池上獨對意不適期子來或儻子詩
道同榜卅歲齊輩行低頭憶矮屋拾芥氣何壯少年博
一第老豈關得喪嘗聞吾婦祖破例作宰相功比皇甫
嵩舉世歎忠亮吾儕折桂手世亂閒自放橫流日滔天
側掌誰與障方秋作霖雨高翮雁病創念子意甚豪姑
盡破敵量使獲尺寸柄武蠡宜可將吾疲志不及惟有
耕且養辛苦事園栽庶幾逢年望

再答鶴亭雨中見懷園居

我每獲子詩什襲備裝潢我詩知子愛不以供覆醬昨
子將詩來憶我園居曠好如雨過禽鶯鳴引其吭我無
河豚詠堪比鷓鴣唱而喻我宛陵使與廬陵抗我因生
意趣寧計語逾量假我爲鮎魚釣子竹竿上因子得橫
傳事理豈無當我言非不佳子意何多讓乃復持荆公
譬我昨報貺貴非學可必我賤負子望學其在田野人
或不謂妄吾居方深秋池水足新漲殘荷有餘花拒霜
已微放考禮有私述說字有新荆掩書散沈迷緩步得
閒暢擬我半山園排調抑何妨我心無丹白子意薄卿

相聊借文解嘲詎緣詩惹謗

題丁修甫小槐移圖

槐移頭白歌且泣吟效仲車節孝集九齡無母復邁兵
老屋邱墟亂螢溼吳生爲寫樹青葱柯榦醜喬樓接葉
一木無知動精感吾欲方之紐安邑

九日市樓登高

一日陰晴已不同況經一十六年中此身似在余婆市
綠鬢今俱白髮翁

老去求田志可傷東籬有菊慰重陽憑高豈便爲豪事
百尺樓顛坐下床

程子大寫示九日登高長篇書此作答兼以扇索

畫石

十髮才人詩萬篇有樓高俯鹿川前吟成那得憑闌望
到海荒江水發天

拋却家樓就此樓憐君與我共滄州試爲我畫重陽意
蕭瑟西風怪石頭

自題康橋居圖

文考試情嫌異夢安仁歌事遂閒居築堂豈但求安樂
有母吾當慰倚閭

晚娛堂

讀書漸覺吳音乖到口詩騷多不諧兀坐吾樓甘忍古

從他帖括佩文齋

忍古樓

誰將造象名吾室埋骨西崦鄭石芝試檢篋箋尋語味

窗頭枯坐一支頤

窈窕釋伽室

石闌一角媚桃花故引新枝入鬢斜容許東風臺上過

飛英都不挾塵沙

桃臺

作臺前爲種梅寬十樹橫斜得近看一歲花空枝亦好

凜然毛骨暑中寒

梅臺

小兒臂大已如虬還把垂纓蓋癭瘤一架舞紅春解惜

不教散漫臥滄洲

虬亭

試向塲堂覆一杯蟻丘中有曲溪回鑿池差獲源頭水

汨汨都從地底來

杯池

西阜栽爲密樹林幾年長養漸幽深遣遮麕眼防鷹爪

棲我朝朝善轉禽

西阜

東阜爲看夕照黃向西安放木皮床得天自比窗間闊

時見飛鷗入上蒼

東阜

斫取山中雙石條平鋪一道跨池橋露華曉溼單衣角

的礫荷珠向上跳

荷橋

身將槁木髮先髡腐朽端如老樹根移汝盤阿充坐席

斧斤初爲爨餘存

跌窩

灌花吾與魚分水長願魚肥樹亦肥不向江湖尋釣石

惟於抱甕養天機

汲磯

蓋茅如笠水西亭海雨吹來急可聽沸檻蛙聲宵閣閣

夾堦花氣晝冥冥

笠亭

小塢纔如地數弓春來四面受霞烘殘花已被風拋棄

每掛簷頭著雨樓

塢亭

匹錦誰能事剪裁宛枝如電拂驚雷無人力負圍衾枕

誤道風吹削哺來

錦屏風

至人嘗立不貸圍我有借畦常自耕瓜菽已收菰菊好

雪中還似玉棋枰

借畦

次均和陳叔通過康橋居看菊

買竹支棚近壤闌故知歲晚不多歡相娛賴是花遲放
日淡風尖一味寒

物外誠知共賞難荒荒秋力亦全殫對花誰與終朝坐
懷抱因君暫一寬

生恐蜂鬚蝶翅乾蜜房如乳出中單直教遲作梅花伴
留向冰天雪地看

題梁璧垣青郊詩集

任永寧能目卽清筆頭相斫意難平五噫高節終遐往
七序雄文更晚成弟子漫嘲經笥在奚奴教背錦囊行
枕旁暫得窺詩細絕歎潛思過論衡

題周子潔葬徐侯齋啟今藏蔣蘇廠家

茶村死被滄洲葬半截周公自解嘲豈若先生拒荆峴
寧將身後累貧交

巨卿引柩誼終完伯厚存孤事更難一紙素書移等輩
筆頭言痛抵剗肝

珍珠谷口兩棺來欠耐秦餘土一坏我讀南枝表忠序

故知費盡鬻書才

戴易虎丘表忠補序謂卜葬珍珠谷口并其孫文止合窆按之周啓則合

窆者爲其子觀成與潘次耕所撰戴山人傳合而其地爲真如塢戴序見乾隆虎丘志豈傳刊有誤與

世換身危獨行人惟餘氣類與相親卷端題作清流種
入眼真教涕淚新

題潘蘭史虎丘賞梅圖

不過山塘十載餘
玉梅入夢漸稀疏
謀生悔失花園巷
苦憶東溪月上初

乍見山亭入畫來
細思曾坐幾多回
當時皮陸風流散
往與何人倒酒杯

潘令平生冰玉姿
祇今雙鬢白如絲
座旁給侍能吹笛
可似東風上老枝

題劉光遠畫竹

竹萌一寸如大幹
應節生枝清可辨
尋常畫手務名高
亂葉無歸吾所歎
名家法度尚得覩
攻苦久之心赴腕

元暉深入竹鄉中出筆定應師李衍

題潘澄山水卷子

弱水醉腕勢何壯空間是水墨是嶂當時寫此國未亡
却後玉山顏自放石田老筆兼密思細沈今爲時所尚
天才足起北宗衰出手寧維仲圭抗

贈張宜仲

囊被歸田張聖童談言初接解吾矇慣聞鄉老呼曾子
猶使州民念法雄美酒當前開笑口好春取次照方瞳
小人學圃將誰問會約花時更酌翁

挽吳倉碩

一紙生前價已高平生溫飽出揮毫
酸醎癖疾鄧頑伯落拓才名張問陶
詩卷編年續天目印文搜古辨成臯
神奇所在無規矩風氣之餘判野騷
自有不投時好在故應更得大年褒
危樓今後重呼酒腹痛難題九日糕
題明史閣部甲申礮拓本

殘山雷動魯戈揮京口兵顏日更微
閣部盛名氈蠟在可憐曾莫敵紅衣

濤聲日碾大江荒淘洗沈沙字數行
細檢前朝神器譜難尋斷爛水西洋

題八大山人畫

青雲浦上畫傳燈點甚當時敗道僧正自不求人愛處
差如詩妙被人憎

除夕

萬物未涉春窮冬已云畢燭花纔數翦百歲復損一開
甕酒浮椒釘盤糕割蜜人情思正朔禮俗家不失剝復
理有然撥亂事難必潛萌出后土冤曲氣乙乙驚心語
兒曹若年庶幾及譬待曉窗明夜盡終覩日

忍古樓詩卷十二

新建夏敬觀

元日口占

以下戊辰

雨絲達日燭光中微放疏櫺與海通
樓影溼連村外霧鳥聲溫動樹頭風
物華縱信春無改人事相驚歲不同
蕃吹沸天臨水路閒尋鄰老話咸豐

答和子言人日過訪

君來試與話鄉風隔歲寒蔬割已空却
馬糞田須社後人生作計稻梁中

五湖

霸越何曾救越亡聚財三散亦尋常五湖久入鴟夷夢
莫放雞聲迫枕旁

挽沈冕士

居恆有意數玉雪覩胸襟關覽善記書碎金拾叢彙再
面滄海壖世味誠寡少分涕寫峽哀荼毒及肝腦善類
屢見殘造物動顛倒君腸百鬱結何術絕彭矯昇棺指
松楸顏景黯丹旄

哭徐仲可

君我呻吟地隔此一牛鳴操筆似操耒買硯約耦耕過
我必挾書讀之酸目睛萬言解若稽計日竟所程數日

束牛腰袖出令我驚病才兩旬餘履綦絕吾庭往省易
簣言應心淚先傾重我爲死友命之序且銘念君謝利
祿惟以著作名志行至皎潔記醜博而精我言等醋醢
每廁君侯鯖常恐嗜其獨動惹世俗抨叩戶持飯裏闐
不聞歎聲不疑骨將朽尚謂據梧瞑銜哀盡吾辭素靈
倘來聽

挽陳仕可

面靨蛛絲繫九州篋中粉散歿誰收無多邱壠歸遺骨
不忍山河入病眸跨海夢魂猶刷夜談天豪氣盡傷秋
吾衰汎覽周王傳尚擬君從八駿遊

爲金匱丞題其祖母夜紡課孫圖

六經字字口含飴白首回甘味自知窗下吟聲如總角
畫中遺貌見均頤影堂尚具縑車拜歸橐仍餘石硯持
我欲相從求楚些因君治蹟近三危

匱丞曾守永順爲
予述苗謠皆吟些

之音予以爲古
巫咸之辭也

李釋戡寄示元日漫吟詩索和次均報之

隔歲纔如隔一晨坐爲邱井逼吾身每於正日書元後
念是衰年遇亂人信少語言能媚世便餘才思莫醫貧
君看百二春都了猶苦相吹野馬塵

題陳諤士文畫蘭桂

桂可食而伐蘭當門者鋤畫中寓名理物外見平居古
色橫窗際靈芬襲病餘相看成藥石如夢覺蘧蘧

病起初步園中

熟寐未終宵起視已平日扶杖步吾庭病除身苦倦初
陽射宿雨林葉尚微炫柯條密交加樹雜莫分辨蟲網
低未收枯杙常觸面頗似失主園閉置廢籬援無人與
芟刪生事日蕪亂

蕪亂夫何如衆鳥聲以調翳彼山澤性不爲燥溼休待
子舒老鳥呼雄拂雌鳩雛鶯不能翔搶地鳴啾啾亦有
桑與穀爾生尚何求鳥性得其適我聞叢百憂不死匪

我料却念生若浮浮生百憂煎誰復能我瘳

我瘳還我廬陰雨方霏霏衆綠莽到眼餘花久狼藉案
頭日所親書帙塵委積毛穎化枯椎微儻白生壁歸興
室邇歎自悼無人闌干林樹間循吾舊行屐

答陳彥通暮春過訪見贈

君家老詩翁立國大齊魯誰克嗣其封君倘啟茲宇翳
古詩世家落落可指數不聞李杜兒有集繼阿父存者
蘇斜川局促小邦莒識君廿載前脫口成綺語未爲子
堅病終蓄玄成嫵橐裝自西江贈我好縑紵展視皎冰
雪一變宿機杼頃從吳城來訪我不貸圍鹿眼饒麥春

蠡巢值蟲午微風舒薔薇修架紅欲舞坐君落花下飄
著舊衣屨面髭且不翦胡粉更何取追隨長老車我喜
久延佇知耽田舍風爲君辦雞黍君稱脈望仙生意頗
栩栩漫藏破敗廚何物禍堪賈怪我子雲閣兼旬鍵其
戶我未畢玄梘奇字勞爛煮以此遭譏評一笑掌同撫
又復諛我詩謂獲先民槩吾詩世不喜尤非俗所許游
君父子間乃爾漫相與觀君所造詣絕歎未曾覩錯雜
萬有中大氣得包舉譬烹好賜茶略含雙井苦我聞學
書工覆被指畫肚獻意欲過義不敢妄誇詡要之二王
跡萬金同一楮知君方勤求致此力已努堂堂百城專

待爾錫圭組

題譚組安非厶詩集

坐閱江山抱此城一墩誰與謝公爭
寫懷詩見堂堂意收局棋須著著贏
試就文章權分量亦如憂患起功名
知君未覺論兵老祇道吟癡兩鬢生

平生

平生釋耒計多疏老廢方求種樹書
自笑飲河同偃鼠誰能尋葉蔭枯魚
三爻在腹曾無補四海招魂不可居
剩就子卿評骨相難回賦命有生初

風雨暴至連日不休吾廬已在巨浸中感而書此

高原無我栽桑地貧薄生涯近澤陂暴雨更番狂打屋
野湟作勢亂穿籬汀洲鷺立差相似庭院羸行亦自奇
便擬浮家與終古橫流如此竟何之

題曾農髯所繪犀園讀書圖

落落琴高隱雨巖孤峯特起戴松杉何人騎鯉能來去
多分難支上水帆

十七年來蒼海涯危闌終日對烟霾紙頭忽露巖巔屋
作意圖爲讀書齋

題劉翰怡崇陵補樹圖

崇陵拱木誰灌溉流根一線遺臣淚厥初連阜無立樑

邇日攢宮擁蒼翠松間掃雪人已逝識數獨存虞子大
荷鋤補植盡生活入夢林神森守衛景皇天縱親政少
母后垂簾逾卅歲中經一日理萬幾曾不崇朝恩大沛
追維綸綍洞民隱薄海羣生挂肝肺宮闈禍伏自媒孽
孝治克終躬屢瘁大行同日史僅聞哀詔所及兼痛畏
負碑初下少絮漆殉棺示儉帝爲最春秋書葬矧後時
椎埋固免摸金尉近聞東陵遭盜發爭啟石樞斂珍貝
固知先君赫錫怒定有雷聲出幽隧木儻有知想同憤
子所盤錯況尤藹何人更寫蒼官容爲貌戟髯相峙對
狄平子贖八大山人書心經卷子還焦山定慧寺

屬題

偷兒惟有竊鉤智獲此謂如行乞鉢誰能言下使立悟
竊自佛邊還與佛三百年來一張紙平子贖歸山水窟
偷兒受金叩頭去慙汗內蒸砭在骨箇公寫此一卷經
字字俱爲佛家物許多羅漢不能守空在前頭作生活
堂頭目中何所見驀口惟是豎起拂吾儕恐怖顛倒心
持誦至死當得脫

挽李鑑徵

識君由袞碧分淚更哀君無復湖西友餘看歿後文江
流終自汨泉路儻相聞盡赭湘山樹芳蘭豈免焚

贈萬載龍榆生

榆生持陳石遺書來謁予初識之方爲暨南教授

珍做宋版印

吾鄉嘉木挺豫章枝鉤節癭才質良閩中大匠矜有得
失喜馳示書數行郡門夢憶題松陽久未出入大樹旁
孰章孰豫眼莫辨後生於我多遺忘子獨蹇然覓陋巷
袖出詩卷要評量我雖老大學未足謙問到耳增慚惶
顧念老友有真賞一見挂我眈詩腸少年抽思若春夏
期爾拔地十丈強風歌雨嘯聳左右稚綠生耐擔嚴霜
子勤執贄面長老不挾盛氣輕顏唐卽茲根底異凡木
自然吹籟諧宮商詩誠小道易致力學道宜在東家堂
讀書萬卷色自粹知子涵揉非等常子持此道裁狷狂

世或勿歎川無梁

冒鶴亭葉譽甫趙叔雍以同游詩見示題曰吳遊
片羽囑弁其端

平生兩屐已陳跡困不同飛如鰕翻溪山挂夢一翻騰
片羽落前驚雪白巖姿川態盡到眼誦抵臥遊娛咫尺
圖經借作題下注卷裏無妨夾行窄我雖未共天隨舟
數年曾住子美宅三君所至足曾履知今所選同吾獲
浮嵐瀉淥極靡靡霜鷺烟鳧從拍拍江聲到海不改雄
兩嶼坐聽宵動魄

贈熊泰熙

汝生父已歿汝學誠自聖親汝謹座隅頗似我家性我
初識汝父默然覘獨行謂當壻吾妹未幾納媒聘生死
半道分名成固無命悠悠廿餘年每念惜其病拔絮出
肺肝誤醫豈前定汝長學已就門戶必再盛吾老眼雖
昏鑒人猶水鏡歸與勤汝職圖報在溫清吾懷免悲酸
汝母當慰慶

贈熊純如

鹿洞鵝湖事久隳餘君後起作人師易堂豈便山中老
舜水終教域外知看倒三松成底世將傾一木定難支
卅春回首俱年少苦憶湖濱躍馬時

示傅堯曦時官鎮江

我聞毛義賢捧檄色然喜又聞封鮐還母不納甘旨居
恆高此行違道竊自恥以是嘗從容厚吾所憑恃邦危
行亦危祿薄庶無毀吾老退可免甥今學而仕庶幾持
此道用作御車箠荒江東無涯北固佳山水且與久盤
桓日漱詩腸美

庭梅初開

生意何如醜榦梅歲寒仍得着春回便容作帳長偎臥
已可攀枝小翦裁沒處更添頭上雪憑伊稍暖念中灰
人言一醉愁能減我自花前遠酒杯

除夕用倦知韻

甚事堪酬餞歲觴慰情最是甲兵藏早春佔臘年先換
百聖何功道久荒祭後醉沾司命酒夢回身臥寢虛床
白頭尚有詩勳在辛苦餘生詎可量

元日書懷

以下己巳

吉祥須帶俚言談稍爲酬春一露才老態未能身起倒
晴光乍與目徘徊林間病鶴梳翎短壑內修蛇奮首來
憑仗管城邀食邑勝呼如願擊灰堆

枯子松

爲林漫作千年調種此初求數尺枝少色已能驚長老

異時應可芘吾兒蒼毛戟戟風梳鬣青榦斑斑雨蛻皮
莫道託根遭朽壤我生歌哭在於斯

挽郭春榆

有道莫論跡身歿志良皦凡誠有不亡一成詎云小吁
嗟遂如此責固在師保知君落葉詩不忍日枯槁每觀
本益怠吟歎生意少眼中幾世臣零落闔棺了平生欠
一詩此際當贈縞我言記其真慮世益悠杳

寄冒鶴亭北京

我不免鄉人但知重帛粟豈能坐堂皇不憚裹章服君
嘗持異論與我辯反覆俛視今古人一切多未足平生

狄元規巨邑領湯沐起鳴詩中聖怒我意不屬我非太
白徒豈謂並名辱况甫困未陽飯顆不充腹彼自適其
僚何關吾所蓄君耽我不喜難以齊嗜欲曾何損毫毛
而減交親篤北行不吾別怪君去何速想此過舊墟油
油黍盈目憑觀發浩思下弔跛牂牧負筇有佳兒春空
矗寒綠駒足已千里老驥寧甘伏何時跨海歸示我詩
一束

庭梅謝後作

先開已冰僵枝頭能使繁花減精爽朝來手自揀摘去
滿樹妍姿照晴晃佳人半老髮稍華鐻除盤作煙鬟雨

無多美鬢似當年自對鏡中成獨賞相看幾日更飄落
拔白不盡意殊枉

爲陳叔通題撚梅鍾馗並爲寫抱梅圖遺之

不插蒲爲劍不縛桃爲荂獨抱大枝梅逍遙步冰雪寬
衣博帶終南來凍僵秀才面如鐵虬鬚拂拂花萼上且
行且看紅生纈昨聞君乘薄笨車兩手捧持盈丈花似
載好女顏舜華路人覩之相驚嗟是誰伐取十年極君
見不忍肩歸家橫拖入扉妨杙杙除却陽遂無能加

其家

有漢代陶器曰陽遂

朝吟若蜂聲排衙夕效睡蝶棲林涯東風入

窗吹沙沙沙花完葉出綠放芽想君日取梅百幅比賽不

得閑畫此幅畫者陳玉几畫作愛梅鍾進士我將愛
梅人比擬畫君抱梅車過市

題周勺先空房弔影圖

房櫳春悄悄飛花墮無力素壁有遺挂枕衾眠不得能
貌死者容難繪存者臆雖然有丹青空使懸君側人間
多死婦能令寡夫憶倘非過人賢恐難徒恃色內行不
聞外旣死安忍默君手狀其行語語淚加墨床第委曲
間恩義相拂拭或由丈夫能固謂婦天職言自瀟湘來
從子吳越國挽車入溪山佳處共臨陟婦翁老畫師女
子才性特是能隨冥鴻矯矯避矰弋游川失比目翰飛

今隻翼宜君日悲傷豈似荀粲惑

陳子言葺皖雅就余介倪氏甥求其祖豹岑撫部
遺集撫部歿四十年楹書散佚余甥方幼蓋不
得祖集所在矣

君前葺詩苑采風始其鄉頗復羅掌故豈徒錄篇章邇
惴皖文獻後或數典忘甄選徧諸邑求佚日不遑禹金
作宛雅畫域止一方勤勤四五輩後有施蔡張奈何二
劉外無以存李唐有唐豈無詩雖有顧不彰君今於近
代搜索未厭詳歎惜二百年文字多消亡曰有倪撫部
遺墨僅數行就我求其家其家大雷塘撫部貧傭書初

無隔宿糧一日俛拾芥功譽歸河防其辭旣達身歿乃
同幽光吟卷雜薪燼子孫誰得藏古來不傳詩何限飽
蠹腸傳不傳有命顯晦曾何常爲君題卷端祝君詩道
昌庶獲所不得如夙願以償

江灣葉園伯嚴真長伯夔同游

平地掘池兼得山其理豈不法自然崑崙河海等此技
造作不平誠未難自天視之厚皮橘孰謂凹凸非至圓
吾曹苦兵住海角開眼直見波漫漫不知是中萬仞土
化工取砌千巘岬昨來葉園賞春物共對烟阜當風瀾
胸中雖已頗徹悟猶被水石相欺謾日光助力在草樹

衆色恣染成青丹癡懷坐局一丘壑欲去重撫迴闌干
蟻遊祇繞窟前垤蠢鬪甚惴亡槐安孰爲遠跡孰高掌
跳擲仍繫徑寸丸歸來尚夢木芍藥吐放千瓣如盂盤
又對吾園小屏幃哆口讚歎天霞攢舉頭一望星宿海
皴面頓覺恆河寬

人有以余不飲酒見調者書此答之

吾嘗讀酒箴竊訝雄少慧果常載後車寧足當國器此
中舌固存了不諳酒味生未具別腸莫由從衆醉人傾
我堅坐不飲汝奚怪吾腹自有真詎此一杯賴海隅三
畝園我已復操耒有餘肯種秫但可待薑芥況貪雜樹

花爛熳短籬外
酴醾香徹骨
猶恐病吾肺
辛勤釀巖蜜
甚懼蠶逞薑
割脾雖有期
日車翻然邁
尋常貨緼袍
未必供一快
還當置破囊
留以卒窮歲

爲林植齋題雅歌集

九原羅瘳骨
先寒痛淚旋
哀魏鐵珊
今日僅餘君
等在可能一一譜燕蘭

往日長庚與小湘
連琴祇爲伯牙張
定音指掌將三字

論折由來最擅場

皮黃用韻謂之折程長庚常以三字拚切一字而音最準如簫字以西阿

烏拚之唱時卽不與小字相混長庚死小湘遂輟唱其挽語用成連伯牙故實蓋皆頗讀書也

皮黃最盛在咸同
刻羽流商兩韻中
水調我聞知不返

票吟詠唱付諸公

琵琶四韻其後宮角不用僅餘二韻今胡琴殆祇商羽兩韻也

梵寫刪餘譜七篇開元法曲幾人傳紫霞固是知音者
摘徧曾爲唱酒邊

題張贊卿參將壯心千里圖贊卿名元謨雲南元
江人咸豐間征貴州苗有功守麻哈被圍援絕
城破主將死元謨亦被創負屍出賊中年八十
餘卒茲圖年六十時昆明楊獻琪所繪也其孫
維翰宰箇舊乙卯之亂率縣兵拒敵勿勝城破
圖失繼而贖歸

鑄馬曾收駱越銅子阿相骨備鞍中行年六十文淵老

埋沒丹青一世雄

一軍留落偶全軀一幅仍還合浦珠
徧畫伯升誰得射
影堂階下有名駒

送冒鶴亭同年移家北居

去去攜家入翠微知君作計不南歸
似聞嚴實能供養
豈有張柔可往依
十日相歡嗟未數
一尊垂老懼多違
詩間密注關朝故
寄我頻投驛雁飛

伏日園中辛夷忽作花

人間顛倒換年光
花事而今改故常
苦向枝頭留蓓蕾
待渠葉底沸蜩螳
結盟豈似開蓮社
入夢徒勞憶柘岡

莫是酒邊殷七七逡巡爲嘆兩三觴

賦答公渚寫示游青島詩卷

一誦君詩及舊游逝波難返亥年秋泰高豈竟勞山讓

天壓真如杞國憂錯落水光燈萬颺坡陀夢境屐三休

吾衰那得東家鄭祇學風萍數點浮

元和志引古語云泰山自言高不如

東海勞

自虹橋路馳車西新涇遂登療養院樓

烈日炙地膚凝膏變鎔液颿車歷郊塗紛錯飛輪迹虹
橋何坦脩銜軫新涇驛綿綿通一線上蔭海槐碧往古
表啜郵官埃雙復隻誦詩憫周道夷貊在肘腋誰與隱

金椎西路非吾獲，憑高一下視暮景。忽焉迫參差，箏雁行弧光漸懸夕。

雜興

航空矯雙翼翼，戛戛鳴雲端。精神出霜鷹，欲去先迴盤。聞彼御風人，語我穹高寒。地體自生熱，若被輕羅紈。緼緼方罫內，下視烟漫漫。我升惴欹危，伏茲東轉丸。夢念地無軸，障身小樓闌。猶恐一閃失，冰碎青冥間。

晴馳浦江側，砰然作雷雨。火花散空中，二電相濡煦。固有負與正，感應捷爾汝。崩山響靈鐘，雷門持布鼓。譬理則自然，厥用在人取。萬事有不平，相劑寧非許。此剩彼

或虧恐難久撐拒

夜景何淒清孤月下階砌我今白髮人偃蹇泉石際顧
影動憂端遣去苦無計懼誰負山壑萬古作吾衛我觀
熒惑旁乃有明月二歲星與天王更復守以四填星又
倍之拱列森可畏燦燦八輪月周迴爛其地貴乃多差
等豈免竊私議冥想熒惑間生人或吾類一落一又明
生愁寧得寐

刻羽飛一聲歌珠蠟盤旋瑠璃滑千尺舞影素屏現相
資慰寂寥度此涼夜半身親入歡場視聽曾何間愁來
奈何許老非少年伴果往徒取憎不如伊未面

瓦盞真怪物油壺如古器誰家篝燈圖爲汝理冤氣小
兒渾未識問此何代製我老久不省而今目生翳當年
哦書史伴我覷細字慘慘牆角頭漸漸忍拋棄石油代
其職地火爲之替思量陳跡過摒去凡幾輩炭絲爛白
光今茲當路貴夢揩讀書眼尋繹青燈味覺來三十年
百燭驅鬼魅

雨後荷池

急風捲海盡西傾盛怒連朝洩始平池水陡高荷忽矮
朱顏照水轉分明

題米元章書方圓庵記

元章撮指盡筆勢豈屑蔓荆競姿媚偶來嬉笑相公前
人謂重臺吾刷字平生最善辯才師六載龍泓曾兩至
壁間已寫少游文庵後重書守一記元豐刊石久殘失
此本流傳在藏笥石田舊物驗朱印匏翁漏眼未曾致
臨川寶笈晚見收桂隱堂中又三世英光百尺快落手
禪髓入泉淪茶味萬端規矩貴神明渴驥當前聊一試
答旌德女士呂美蓀

州官謝朓里人梅源出雙溪委宛來自有南風興辨女
敢將一操局高才文心玉質相輝映詩法金鍼費翦裁

廿載足音疏蔣徑因君感逝覆吾杯

其師蔣冠
羣新逝

爲叔通蕙蘭經歲花時昇歸附之以詩

瓦盆雙置橐駝肩葉底猶含隱谷煙墜露清泠滋我畹
好風披拂向君筵不煩屈子爲紉佩何事龔生用天年
看取歲蕤芳意足當門詎是眼中賢

哭四兄

童老異悲歡生死殊感觸當前不知惜悔恨難追贖兄
第五六人存者今我獨阿兄異母出父歿勤弟讀對几
一書燈照耀松陰屋人言吾家荆樹樹交枝綠兄足病
跼躄扶持我頻數臥雖不共被每飯同脫粟中歲迫世
變家國並顛仆參商兄與我何室聚歌哭諸姪非象賢

愛深懷舐犢儒效未及兒潤乃澤三族竊常慮兄衰禮
法難檢束沈沈三十年凋落尺波速心悲莫具言灑淚
澆轉轂

同根不同死賦予初失平我嘗憐阿兄墮地冤天刑幼
弟命尤薄壞舟溺宮亭碌碌我獨全何德長安寧兄常
息以踵固謂善養生亦不及下壽而吝假以齡秋漢夜
沈寥夢駭風波聲牽牛絕駢服勞淚盲目睛魂氣今何
之呱呱儻爲嬰安得共父母還我孩提情

余與重伯同時有令原之痛其歸長沙留詩爲別
兼以唁余蓋猶未聞其介弟之喪也流涕成篇

以報前貺

始君別我返瀟湘我正堆脰折雁行
慰我竟成文字讖聞君同邁弟兄喪
淚枯眼怯亡琴在頭白心驚曲木傷
從此冬曦能幾日韋家孤梓鎮相望

龍榆生招遊真茹張氏園因得見其尊翁蛺庵老人
歸成長句爲報

歸因投轄故遲遲林外霞光悅崦嵫
曲徑引人臨水罷修塍送客點鐙時
車塵又落屠沽側鄉論徒邀父子私
我始座中覘老鳳欲爲君賦木山詩

題蔣冠羣遺集

我始識君年正少君有罪言公犯詔清裁共畏齒腐朽
私議每先披竅竅一時國柄屬婦閹士論何由動廊廟
譬醫心跡豈不忠桓侯自拒越人療君方渡海我陸沈
旋踵社墟如逆料人間理亂難掩耳九服崩離竟安蹈
壯氣寧爲老所銷心非可與言不報卅載朋交等相絕
醉死一樓毋訃告我哀君志題君集我歌楚些爲君弔
龔生竟爾天天年舉世誰何聞特操

挽曾履初

伯饒孝讓見平生上病歸田讀且耕凶問却來傷客邸

降年同此錫嘉名

余兄生同治元年元日今皆逝世先後纔十八日

數奇竟付閒星相淚盡都餘老弟兄豈是翟庭妖齧雁
天慳時命與民英

送伯嚴赴廬山

慰意亂離中師友未簡面君行將北居分索違夙願追
飛豈我能腋乏晨風翰邇知道路阻行驢改江岸云當
往匡廬棄我非遂遠匡廬吾家山高出江湖畔泥沙挾
而東咳唾落泉澗懸揣溫偉容巖石佇粲粲君歸我或
往奇事成一段暫往或仍來吾曹脰未悵

哭曾重伯

別我書扇詩傷哉成絕筆逝歿竟相尋吾友遂長畢驟

病詎當死起死醫無術靡駕向帝渚奪命胡剽疾功高
國寡蔭廉吏後行乞君尤患才多一生坐窮室臨老獲
水田收穫寧可必豈似成都桑尚從祿賜出黠鄰猶健
訟攘奪到春糲牽率死田舍乏救真冤屈便便百家笥
記問誰能匹吾曹友多聞邇更過從密臨分缺飲餞訣
去曾幾日椎心聞訃告沈痛非吾昵

贈楊頌清

君州有木異凡材洵是羊公手所栽萬變世摧人物老
一寒身傲雪霜皚固知魯酒沾脣薄豈屑官貲滿眼堆
偕隱鹿門姑緩去故山雖好莽風埃

雪後寄和伯嚴匡廬雪詩

川原久蕭瑟一雪氣初浩枯氛絕飛揚腐臭從薶掃晴
明動屋角林木意態矯至寒蓄微春天力難草草起吟
步吾園孰最戀懷抱惟念匡山居萬級插冰昊巖壑戛
鳴佩杉蘚覆兼縉霏開羣岫悅翕闔低江愀君詩出侔
揣屢誦屢歎好太始落拳握奇境繪肝腦灑邱鋸霏屑
凝曜徹物表寧知塵海隅濯胸苦欠早垤土聊自欣釘
石豈云少抒寫尺寸潔行坐小亭沼踏啄爪觜痕先我
有飢鳥浮浮惑吾目一夕鋪麴麴

重游秣陵

載夢頻過不入城昔游一瞥詎忘情峯巒戴雪年俱老
交舊如星夜向明終覺蘭成賦蕭瑟枉因季雅論渟渚
長衢爲底能寬許未樹青松柳已傾

喚起車茵乍臥看石頭瞰我最巔岬萬家歌哭非春事
一路風光極歲寒委地燈荒連火齊挂簷冰老冷琅玕
除非化雪爲金粉始抹南都錦繡般

己巳除日書感

火始逮三際乃是巳午交夜盡日當升坐待海旭高軒
車載春皇先驅擁旌旄馬行來委遲鞭撻豈得逃歲星
爾何功周天徒自勞值辰我尤蹇德惠無分毫雪多力

YORK UNIVERSITY

JUL 03 2001

EAST ASIAN STUDIES

亦殫冰堅詎云牢頑頑血肉軀倔強雖拒撓奈茲一歲
中凶喪竟三遭肢體付痛割中腸被煎熬母老目雙盲
無淚傷吾曹隱之勿以告安敢長號咷來者休與咎卜
問憑杯玆惟當媚紫姑祝使災難銷

是歲遭兄喪新城陳氏姊貴筑傅氏

妹復先
後逝世

